



अशोभ्य



रत्नसम्भव




वैरोचन



अमिताभ



अमोघसिद्धि



गुह्या

भद्रबुद्ध्या लसताय्

२५४२/२०५५/१११९



नमो बुद्धाय

गुलुपाः

(गुलुपाः दानया महत्त्व वारे चवसु मुना)

A Begging Blow Bowl



दाताः जिवरत्न स्थापित व नानीदेवी स्थापित
भिक्षुणी गौतमी बिहार, लुम्बिनी गुलुपाः दान

सफू दुनेया धलः

धलः

ल्या

* सफू पिकाकया थःगु छत्वाःचा खं	१
* भिंतुना ! संघ नायक भिक्षु अनिरुद्ध महास्थविर	२
* साधुवाद ! भिक्षु सुदर्शन महास्थविर	३
* ज्ञानमाल भजन खलः स्वयम्भूया भिंतुना	४-५
* पिण्डुपात्र : भिक्षु अश्वघोष महास्थविर	७-९
* धर्मकीर्ति विहार : भिक्षुणी धम्मवती	११-१२
* अन्तर्राष्ट्रिय भिक्षुणी संघ गौतमी भि.वि.लु. : भिक्षुणी धम्मवती	१३-१४
* गुलुपाः फणीन्द्ररत्न वज्राचार्य	१५-१८
* धर्म व श्रद्धा : दिव्यरत्न तुलाधर	१९-२३
* पिण्डुपात्र दान : देवकाजी शाक्य	२४-२७
* दानया महत्व : बुद्धरत्न वज्राचार्य	२८-३०
* गुलुपा दान : प्रा. सुवर्ण शाक्य	३१-३२
* भाजु जीवरत्न स्थापित म्हसीका : शान्तरत्न शाक्य	३३-३५

सफू पिकाकः

जीवरत्न स्थापित, नानीदेवी स्थापित

बागबजार, यँ ।

२२२३०४ २४१३०४

बुद्ध संवत् २५४२

नेपाल संवत् १११९

इस्वी संवत् १९९९

विक्रम संवत् २०५५

दृष्टिग (१०००)

धर्मदान

थाकृथि:

ज्ञानोदय प्रेस

लगं त्वा, यँ, फोन न्या: २५३५४३

सफू पिकाकया थःगु छत्वाः चा खँ

हनेबहःपिं !

थः अबु बाज्यापिसं नं इलय ब्यलय थः थः गु गच्छे कथं थाय् थासय् सुकीर्तित तयाः भाल । बय्कपिगु कीर्ति थौतले नं बाँलाक सुरक्षित हे दनि ।

बय्कपिसं तयाथकूगु सुकीर्तित सुरक्षित जुयाच्चंगु खनाः थःतनं अबु बाज्यापिसं थें कीर्तित तयेगु मतिइ लुयाः थःगु गच्छे कथं शाक्यमुनि बुद्धया जीवनी किया सिजःया अं १४" X १४" डा.मि. (स्वफा जाकि बजि न्ह्यंगु) कलात्मक गुलुपाः धवाकाः ज्ञानमाला भजन खलः स्वयम्भू, यें यात व थी थी थेरवाद विहारय् प्रदान यानागु जुल ।

नेपाः देश दान पुण्यया अर्थ व्यञ्जन जायाच्चंगु पूण्यभूमि खः । थुजाःगु पूण्यभूमिइ जन्म जुया थें बुद्ध शासन चिरस्थायी जुइगु ज्याखँय् थःमह फुचाःगु ज्या याना वनेगु नं तःधंगु दान पूण्यया ज्या खः धइगु भाःपाः थव गुलुपाः दान लिसे लिसे दान यानागु भजन खलः, विहारया हनेबहःपिं भिक्षु, भिक्षुणी, गुरु बज्राचार्य व धर्म पासापिं पाखें प्राप्त भित्तुना, गुलुपाःया महत्व बारेया च्वसत मुनाः छगू चिकिचाधंगु सफू

“गुलुपाः” पिथने दयाः तसकं लय्ता प्वंका च्वना ।

थुगु सफू पिथनेगु ज्याय् न्ह्यःने ल्युने सतिकं तापाकं ग्वाहालि याना बिज्यापिं दीपिं सकलयात सुभाय् देछासे हनेबहःपिं भिक्षु भिक्षुणी धर्मपासापिन्त थः थःगु च्वसा अतिकं मूवंगु च्वसुत च्वयाः थुगु सफू पिथनेत हःपाः बिबा बिज्याःगुलिं सकसितं दुनुगलं कृतज्ञता द्रहलपा च्वना ।

थव धर्मदान यानागुया हुनिं मदया वनेधुकुपिं थःगु कुलया सकल जःपिन्त निवाण पद धवदुइमा । नाप नापं सतजिव माँ सकल छँजः व दाजु किजा तःकेहें, थः थिति इष्टमित्र त्वाःबाः पिन्त नं आयु आरोग्य सुख शान्ति न्ह्यच्याय् दयेमा । सफू ध्वानादीगु थाक्यात नं दुनुगलं सुभाय् देछाना च्वना ।

सकलयात भिं जुइमा ।

जीव रत्न स्थापित
नानी देवी स्थापित

सफू पिकाकः

वागबजाः यें ।

फोन ल्याः २२२३०४

ने.सं. १११९ पोहेलाथव अष्टमी

आनन्दकुटी विहार

संघनायक भिक्षु अनिरुद्ध महास्थविरया भित्तुना

श्री जीवरत्न स्थापितया ६० दै क्यंगु जन्म दिनया उपलक्षस, भगवान बुद्धया जीवनी चित्रांकित याना तःगु गुलुपाः तःगोगु सिजःयागु, स्थविरवाद ५, गू विहारस तथा ज्ञानमाला भजन खलः स्वयम्भूयात चहेयाना दीगु पुण्य द्वारा वय्कःयागु दीर्घाय सह आयू आरोग्य सुख शान्ति ज्वीमा धकाः जिं भिन्तुनागु नापं आशीर्वाद शुभकामना यानागु जुल ।

यज्यागु कुशल कर्म बारंबार सकलसिनं यानाः बुद्ध शासन यात त्यवा बी फयेमा !

मिति: ने.सं. १११९ थिलाथ्व पंचमी

भिक्षु अनिरुद्ध महास्थविर
आनन्दकुटी विहार, स्वयम्भू, यै ।

नगरमण्डप श्रीकीर्ति विहार, कथपु, यै।

भिक्षु सुदर्शन महास्थविरया साधुवाद !

नगरमण्डप श्रीकीर्ति विहार कथपुली च्वंगु छगू स्थविरवादी सांघिक विहार खः । थन बुद्धया जन्म, सम्बोधि-लाभ, धर्मचक्र-प्रवर्तन व महापरिनिर्वाण जगू पवित्र स्थलय् च्वंगु संवेजनीय प्यंगू पुण्य स्मारिकाया प्रतिकृति दु । थाइलैण्डया वास्तुकलां जाःगु संवेजनीय उपोस्थागार दु । लिसें चैत्य पुण्यमय व कीर्ति भवनं सुविधा युक्त जुयाच्वन दकले सकले बोधिवृक्ष, भगवान् बुद्धया पवित्र अस्थिधातु लिसें यशोधरा थेरीमा पवित्र अस्थिधातु दया श्व विहार तःसकं महत्वं जाया च्वन ।

थुगु नगर मण्डप श्रीकीर्ति विहारयात ल्वय्क जीवरत्न स्थापित नानीदेवी स्थापितया परिवारपिसं जीवरत्न स्थापितया ६० दँया भद्रबुन्हिया उपलक्ष्यय् श्रद्धापूर्वक तगांगु सिजःया (स्वफा न्ह्यंगु) पिण्डपात्र छगः दोहलपा दिल । थुगु पिण्डपात्रय् प्यंगू पवित्र तीर्थ स्थलया प्रतिकृति निसें अनेक धार्मिक प्रतीक चिन्ह थुगु पात्रय् कलात्मक कथं किया तःगु जुल ।

थुगु पुण्यं श्रद्धालु दातापिं सहित सकलंया हित सुख जुया जन्म, जरा, व्याधि व मरणं मुक्तगु निर्वाण लायेमा ।

८/८/२०५५

-भिक्षु सुदर्शन महास्थविर

ज्ञानमाला भजन खलः स्वयम्भूया मितुना !

हे प्रभो भगवान् ! दर्शनं विव, अज्ञानी जिमित शरणं छि काव ॥ धु ॥

! ज्ञानमाला भजन - ज्ञानमाला : भिक्षु अमृतानन्द

नेपाल संबत् १०५७-दं निसैं मदिक २६ च्वंगु सः राश भजन बुद्ध भजन्य
हिउगु भजन ज्ञानमाला भजन स्वयम्भू ये खः । श्व भजनया स्थापना कालं न्ह्यः निसैं नेपाःया बौद्ध समाजय् दयाच्वंगु कुरीति
कुप्रथा, अन्धविश्वास, सामाजिक विसंगति विकृति आदि चिइका मनूतयत शुद्ध बुद्ध
धर्मया लं कयना अमिगु जीवन भिका बिइगु निम्तिइ सदां न्ह्यचिला वयाच्वंगु ज्ञानमाला
नामं जक भजन खः वास्तवय् श्व छगू क्रान्तिकारी सुधार हयःगु आधुनिक बौद्ध हःपा
बीगु भजन धायल्वःगु ज्ञानमाला भजन खः ।

थःगु मांभाय् नेपालभाषां च्वय् ब्वने ल्हाय् तकं मदुगु इलय् नं गुगु कयथा डर
त्रास भय मकासे थःगु मांभासं भजन हालाः मनूतयत शाक्यमूनि बुद्धया धर्म खं कना
बिज्याइपिं भन्तेपिंगु अनुकम्पा दयाः न्ह्याःवना च्वंगु श्व ज्ञानमाला भजन उगु इलं
निसैं आतक नं अतिकं लोकह्वानाच्वंगु भजन खः । गुगु नेपाः अधिराज्यया भिंच्यागू
जिल्लाया च्छ्यना छ्वीगुगुलिं मल्याक भजन खलःपिं धस्वाना च्वंगु दु । भजन खलः
पिंगु तथ्याइ कयना च्वंगु दु ।

इलय् ब्यलय् अनेक गतिविधित न्ह्याकु न्ह्याकु भारतय् निकः स्वकः तक
ऐतिहासिक बौद्ध तीर्थ यात्रा, दैं दैं बाहाः बही चैत्य पुजा, ज्ञानमाला राष्ट्रिय सम्मेलन,
ज्ञानमाला नीस्वंगु छ्वीदैं कयंगु लसताय् “ज्ञानमाला भद्रजयन्ती” न्याय्के क्वचाय्का
आः ज्ञानमाला बौद्ध जागरण गुम्बापुजा न्याय्का बौद्ध बौद्धपिनि दथुइ मैत्री व एकता
ब्वलंकेगु कुतः याता च्वंगु दु ।


ज्ञानमालाया थुजागु हे गतिविधियात अज्भक्त च्वन्ह्याका येंके फय्मा धैगु
मनंतुसे ज्ञानमालाया जः भाजु जीवरत्न स्थापितजुं थः अबु बाज्यापिसं इलय् ब्यलय्
सुकीर्तितं तथा भाःथें तु थम्हं नं छु कीर्तितं तथाः त्वता थके दुसा थःगु कुल गौरव
लिपाथ्यकं न्यना भावी सन्ततीपिन्त थःगु कुलया गौरव ताय्थाय् दयाः लिपावइपिं

सन्ततीपि नं भिं गु बाँलागु बुद्ध शासन चिरस्थाइ जुइगु ज्याखँय् तिबः बिइपिं जुइला धकाः मनंतुना न्हापां ज्ञानमाला भजन स्वयम्भू निसें शुरुयाना (१४" X १४") अं. स्वफाति जाकि बजि न्ह्यंगु कलात्मक सिजःया गुलुपाः (पिण्डपत्त) धर्मकीर्ति विहार, गौतमी भिक्षुणी विहार लुम्बिनी आदी विहारय् दान याना दी धुंकल ।

वय्कःया थुकुसिइ ख्वीदें कयंगु भद्रबुद्धिं हनेगु भवलय् विश्व शान्ति विहार न्हू वानेश्वर, नगरमण्डप श्रीकीर्ति विहार, किपू व श्रीघः बुद्ध विहारस शाक्यमुनि बुद्धया जीवनीत ध्वाका तःगु सिजःया गुलुपाः दान याना दीत्यंगु दु ।

गुलुपाः दानया महत्व व गुलुपाः धैगु छु खः ? ध्वायुइका बिइगु मतिइ तथाः थ्व हे उपलक्ष्यस वय्कः पाखें छगू "गुलुपा" नामं बच्चाधंगु सफू छगू नं जिवनानी पिथना लुखां पिथना दीगु ग्वसाः ग्वयादीगु तसकं बाँला ताल । थुजागु जन जागरण व जन चेतना थनिगु ज्याखं लिपाथ्यकं, बाँलाःगु लिचवः लानाच्चनिगु धर्मदानया ज्या जूगुलिं थुजागु ज्या हानं हानं याना येंके फय्मा । थुगु पुण्य उदय जुइगु ज्यां सकलयात भिंगु लें कयथें वय्कः व वय्कःया सकल छँजः, थःथिति, त्वाःबा, फुकि दाजुकिजा पासाभाइपिं इष्टमित्र आदि सकलयात शाक्यमुनि बुद्धया आनुभावं सुख-शान्ति ऐश्वर्यं बृद्धि जुया च्वनेमा । लिसे लिसे मदया वने धुंकूपिं वय्कःया कुलया सकल हनेबहःपिन्त निर्वाण लाय्मा वय्क जःभाजु जीवरत्न स्थापीत, जःमय्जु नानीदेवी स्थापित वय्कःया काय्पिं, भउपिं, छय्पिं सकसितं शाक्यमुनि बुद्धया अनुकम्पा सदां सिलय् लाना च्वनेमा धकाः भित्तुना च्वना ।

-ज्ञानमाला भजन खलः स्वयम्भू यें ।



ज्ञानमाला भजन खलः स्वयम्भूया भजन सतः, स्वयम्भू

मन्तव्य

जीवरत्न स्थापिजुपाखें विभिन्न विहार, बौद्ध संस्था (उदाहरणार्थ ज्ञानमाला भजन खल, स्वयम्भू) यात धातुयागु गुलुपाः देछाना वैच्वंगु छगू न्हुगु गतिविधि खनेदु । उगु सिजः यागु गुलुपाःतय् नेपाली कलायागु थी थी बुद्धां भः भः धाः, थुकि उखें थुखें लुयागु अङ्ग जाया च्वंगुलिं थुकिया शोभा च्वन्ह्यानाच्वंगु दु । थुकथं थुगु गुलुपाः थःगु हे पहलं विशिष्ट जुयाच्वन ।

बौद्ध संघ, संस्थाप्रति श्रद्धावश पिज्वःगु थुगु ज्या धार्मिक प्रकृतियागु जूसां थुकिं भीगु परम्परागत कला-संस्कृतिया संरक्षणपाखें ग्यसुलंगु तिबः नं जू । थुपिं कुथि संघसंस्था विहारया दान-पात्र जक मजुसे ब्वसा नं जुयाच्वनि, -नापं दातापितं दानपुण्य यायेपाखे प्रेरक साधन नं ।

गुगु क्रान्तिकारी स्कूल-शान्ति निकुञ्ज विद्यालयया जि संस्थापक प्रथम प्रधानाध्यापक खः जीवरत्न स्थापितजु उगु हे स्कूलया छम्ह पुंलाम्ह विद्यार्थी जुल । थुगु नातां नं वय्कःया थुज्वःगु पुण्यकर्म यायेगु मनोभावनाय् जिं गौरव ताया च्वना ।

स्थापितजु थुज्वःगु ज्या न्हियान्हियं तःजिक याना यंकें फय्मा धैगु जिगु भिंतुना दु ।

स्थापितजु व वय्कःया श्रीमतीजु निम्हसियां ख्वीदं बुन्हिया उपलक्ष्य जिं दुनुगलं निसैं वय्कःपिन्त सुख, शान्ति, सुस्वास्थ्य व सफलता दैच्वनेमा धकाः नं भिन्तुना च्वना ।

भुवनलाल प्रधान

२०५५ ८ ९

बबरमहल, येँ ।

पिण्डपात्र

-भिक्षु अश्वघोष श्रावः बुद्ध विहार

पालि भासं पिण्डपत्त धाड्गु खः । संस्कृत भासं पिण्डपात्र धाड् । भ्रीगु भासं गुलुपाः धाड् । गुलुपाः धाय् बले चिकिचा गोगु जाकि चकंछि न्ह्यंगु नं जुड् फु । थन च्वेत्यनागु पिण्डपात्र कम्तिनि स्वफाति जाकि न्ह्यंगु खः । भिक्षा फयाकायेगु थलयात पिण्डपात्र धाड् । बौद्धदेशे व बुद्धया पाले मनूतय् नय्गु साधारण नसा-जा दान कायेगु थल खः । भ्रीथाय् जयस्थिति मल्ल जुजुया पालं निसं जातपात शुहं जुसंलि जा दान मव्युसे जाकि दान बीगु चलन दयावल धाय्माल । आः भ्रीथाय् गुलुपातय् जाकि तया दान बीगु धार्मिक परम्परा चले जुल । गुलुपाः यात हे पिण्डपात्र धाड्गु खः ।

बुद्धशासने (बुद्ध धर्म) पिण्डपात्रया महत्व गुबले निसं दत धैगु खँ बुद्ध जीवनी स्वया यंकेबले सिद्धार्थ कुमार गृह त्याग याना त्यागी जीवन हनाः न्हापां राजगृहलय् भिक्षा बिज्यागु खँ दु ।

अनं लिपा उरुवेल धयागु बुद्धगयाया लिक्कसं सुजाता धयाम्ह मय्जुं सिद्धार्थ कुमारयात पिण्डपात्रय् क्षीर (खीर) तया दान व्यूगु भपा बिज्यानाः बोधिज्ञान प्राप्त जूगु खँ दु । अथे धाय्बले सिद्धार्थ कुमार यात बुद्धत्व प्राप्त यायेत सुजातां दान व्यूगु पिण्डपात्रं गाक्क गुहालि दुगु खँ सीदु ।

बुद्धत्व प्राप्त याय्धुका बुद्ध न्हापां सारनाथय् भिक्षु संघ स्थापना याना बिज्यासंलि भिक्षुपित्त प्यता वस्तु मदेकं मगागु खँ कना बिज्यात । उकी मध्ये १) चीवर वस्त्र, २) पिण्डपात्र-नसा (खाना), ३) सयनासन- चवनेगु थाय् व लासा फांगा, ४) गिलानप्रत्यय- म्हं मफै बलेसित माःगु वासः ।

आः पिण्डपात्र गथे जुया नसाया ल्याखे लाःवल ? बुद्धं तस्सकं अःपुगु जीविका लुङ्का बिज्यात । पिण्डपात्र जोना भिक्षा काः वनेगु । साधारण मनूनेगु श्रद्धां व्यूगु नसा पिण्डपात्रे फयाकया जीविका चले याना बिज्यात । जा थुया चवनेगु व भुन्या भंभट मंत । वसपोलं भिक्षुपित्त आज्ञा जुया बिज्यात मनूतेसं श्रद्धां निमंत्रणा याःसा अन वना भोजन याःवसां ज्य । अथे निमंत्रणा मदैबले पिण्डपात्र जोना भिक्षाटन याना

जीवन हंसा ज्यू । बीगु धयागु त्याग चेतनां वैगु । आपासिके त्याग चेतना मद्दु । भिक्षुपिं पिण्डपात्र जोना भिक्षा बिज्याइबले शान्त स्वभावगु भिक्षु जीवन खना मनूतय् श्रद्धा उत्पन्न जुया वो । अले दुथे फुथे मुट्ठी दान बीहँ । गुलिसिन् गुलुपातय् हे जाकि तया पिण्डपात्रे प्वकावी ।

भिक्षा वनेगु फोंवनेगु ज्या खः । ब्युसा काल मब्यूसा छुं खँ मद्दु । अथे खःसानं थ्व अःपुगु ज्या मखु । बुद्ध छम्ह राजकुलयाम्ह राजकुमार जुयान नं भिक्षाया भर कया याउँसेच्चंगु जीवन हना बिज्यात ।

भगवान बुद्ध न्हापां कपिलवस्तुया लँय् पिण्डपात्र जोना भिक्षा बिज्यावले शुद्धोदनया राजदरबारे भुखाय् ब्वल । छाय् धाःसा पिण्डपात्र जोना फोनेगु धैगु राजकुलयात लोगु मखु । बुद्ध जाति अभिमान मदेका बीत छँबा पत्तिं भिक्षा बिज्यात । जात पातया सवाल मद्दु । फुक्क मनूत समान खः ।

युक्तं विचाः याना स्वेबले पिण्डपात्र धयागु त्यागी जीवनया छगू तःधंगु लिधंसा जुल । थौं तकं थाइल्याण्डे लखं लखं भिक्षुपिं पिण्डपात्रया भरे म्वाना च्वन । बर्माय् नं इलँदो भिक्षुपिं पिण्डपात्रया भरे म्वाना च्वन । बौद्ध सफुती भिक्षुपिं मदेकं मगागु च्याता बस्तु अष्टपरिष्कारया खँ दु । च्याता छु छु धाःसा स्वपु चीवर (संघाटि, उत्तरासंग व अन्तरवासक) पिण्डपात्र, खोचा छपू, मुलुसुका, जनी (कमरबन्द) छपु व लःछाने याय्गु कापः (चालनी) । थुपिं च्याता मध्ये छगु महत्वपूर्णगु खः पिण्डपात्र । संघाराम भिक्षु तालिम केन्द्र स्वदँ प्यदँ चले जूगुया मू खँ हे पिण्डपात्र खः । पिण्डपात्र जोना भिक्षा वना अन च्वपिं भिन्न्याम्ह भिं खुम्ह श्रामणेर भिक्षुपिं पालय्जुल । आःनं धरानया विहारे भिन्न्याम्ह तामाङ्ग गुरुङ्ग श्रामणेर व अनगारिकापिं पालन पोषण जुया च्वंगु पिण्डपात्रया भरोसाय् खः । उकिं त्यागी जीवन व धर्म प्रचार नाप लिक्क स्वापू दुगु ज्याय् खेले दुगु पिण्डपात्र खः ।

थज्योगु मद्दुगु बांलागु खँ सीका जीवरत्न स्थापित-

२०५१ सालं निसं स्वयम्भूइ

२०५१ माघ १ गते ध्यो चाकु सल्लु श्री स्वयम्भू महाचैत्य मूलभगवान् थाय्

२०५१ माघ ९ गते ज्ञानमाला भजन खलः स्वयम्भू, यँय्

२०५३ भाद्र २९ गते धर्मकीर्ति विहार श्रीघः, यँय्

२०५४ माघ २८ गते अन्तराष्ट्रिय भिक्षुणी संघ विहार लुम्बिनी

थुकथं मेमेथाय् विहारेनं पिण्डपात्र दान याना दीगुथें नं तुं वय्क भाजुं श्रीघ
विहार पुलांगु विहार आपाल भन्तेपिं वास याना बिज्याय् धुंकुगु विहारया अन स्थापना
याना तःगु निवाणं मूर्तिया न्ह्यःने तयातये कथं सिजया १४" X १४" डाइमिटर
स्वफाति न्ह्यंगु कलात्मक गुलुपा वय्कःया ख्वीदें क्यंगु भद्रबुन्हिया लसताय् वय्कः या
छें वागबजारय् जूगु समारोह सं लःल्हाना दिल । थुगु पुण्यया प्रभावं जगत प्राणीया
जय जुइमा । व स्वयं ६० दैं दैगु लसताय जीवने छु विघ्न बाधा मदेक याउँक जीवन
हना च्वने देमा । थये हे हानं हानं करपित उपकार जुइगु ज्या यायफेमा व कायपिस
लिपा ध्यंकं थज्योगु ज्या याय् फयेमा धकाः जीवरत्न स्थापितं प्रार्थना यायदीकथं
वय्कःया मनसुवा पुरे जुइमा बुद्ध शासन चिरस्थाइ जुइगु ज्याय् सदां मन वनेमा धकाः
भित्तुना च्वना ।



विश्व शान्ति विहारयात दानयाःगु गुलुपाःया किपा

धर्मकीर्ति विहार

शासनधज्ज धमाचरिय
-भिक्षुणी धम्मवती: (वर्मा)

नमो बुधदाय !

थुगु धर्मकीर्ति विहार, श्रीघले २०२२ सले स्थापना जुगु खः । धर्मकीर्ति गथे स्थापना जुल धासा २००६ साले थ्व नेपादे राणा शासन तिनि । उकिं थन नेपाले भन्तेपिनं उस्त च्वने मफुनि । गुरुमापिनं उस्त मदुनि । अनं भन्ते गुरुमां धाय् सःपिं उपासक उपासिकापिं नं उस्त मदुनि । राणा शासन समय जूगुलिं बुद्ध धर्म ब्वनेगु धयागु नं दुलभं तिनि । अबले बर्मा याम्ह ऊ धम्माबुद्ध धयाम्ह छम्ह भन्ते शिव रात्रीया हुलयाकाः नेपाः बिज्याना थासं थासय् बुद्ध धर्मया उपदेश कना बिज्यात । अबले थन नेपालय् मिसापिन्त आखः ब्वनेगु धयागु मदुनिः खुया खुयाः सुलाः सुलाः आखः ब्वने माः । आखः न्हय्गः सलकि रण्डी ज्वी, बोक्सी ज्वी धकाः ख्याना तःगु जमाना तिनि । उकिं अबले वस्पोल भन्ते नं बुद्धया अमृत्य उपदेश सहित अमिगु बर्मा देशय् मिसा वर्ग पिन्त नं स्वतन्त्र आखः ब्वने दु । बुद्धया अमृत्य उपदेश नं न्यनेकने दु धाः गुन्यनाः उगु बर्मा देशय् वनाः बुद्ध धर्म आखः ब्वं वने धयागु प्रवल इच्छा जुल । अबले राणा शासनया पालय् नेपाःयापिं विदेशय् वनाः आखः ब्वं वने धयागु असम्भवया खँ खः । तर मनया प्रवल इच्छाया कारणं राहदानी धयागु (अनुमति पत्र) कया जि, जिमि चिकिधिकम्ह दाई मानकाजी शाक्य व पासापिं मनोधरा देवी आः मागांधी व सुभलक्ष्मी आः माधवी गुरुमां वस्पोलया मां लक्ष्मीमाया जम्मां न्याम्ह प्रवर्जित जुया वर्मा वनेया निमित्त थन कुशीनगर वस्पोल बर्मा भन्ते दुथाय् वनेया निमित्त चन्द्रागिरी पहाड गयाः गढी थ्यंकः वनाबले जिपिं न्हापालात जिमि दाई कुल्लीत पियाः च्वंगुलि लिपा लात । जिपिं गढी पुलावना । जिमि दाईजक थ्यंकाः वयेवं जिमि वाःयागु रोक्का वः गुलिं जिमि दाई गढी प्याहाँ वये मखन । जिपिं प्यम्ह जक भिम्फेडी वजार थ्यंकः वना । अनं मिसापिंजक कुशीनगर वनेगु आँटः मदुगुलिं भिम्फेडी बजारय् च्वम्ह साहु द्वारिका

प्रसाद मानन्धरजिमित कुशीनगर थ्यंक तया: नेपा: लिहाँ भयल । जिपिं स्वम्ह बर्मा वने निम्ति वस्पोल बर्मा भन्ते नं आपालं उपाय मेहनत यात । तर नेपा:यागु हे पासपोर्ट काय् मफुगुलिं बर्मा यागु भीसा नं काय् मफुत । याऊक कलकत्ता बर्माय् पानी जहाज वनेगु खँ हे मन्त । उकिं नाप वनापिं पासापि नं कुशीनगर प्रबज्जित जुया । अपिं निराश जुया: नेपा: पाखे लिहाँ वल ।

जि छम्ह जक खनेमदुगु गन धका: मस्यूगु बर्मा देसय् वना: बुद्धधर्मया आख: मसयेकं मब्बकं नेपा: लिहाँ वने मखु धयागु मनंतुना कुशीनगर बनारस, पटना, बुद्धगया राजगीर आदी चाहिला: कलकत्ता थ्यंक: वना । अनं आसाम वना । घनघोर जङ्गल जङ्गल नांगातय् देश नाघे जुया: बर्माय् मिचिना धयागु शहरे थ्यंक: वना । खुन्हु व न्याचा न्यासि वना: वल्ल मिचिना धयागु शहरे थ्यन । अन थ्यनेवं जित: विदेशी धका: सी पासपोर्ट सौ: वल । जिके पासपोर्ट म्दु । उकिं जित: अन ज्वन । तर जित: व्वना यंकुम्ह भन्ते व दाता पिनिगु सहयोगं मिचिना शहरं रङ्गुन शहरे बर्मा सरकार या हे प्लेन थ्यका बिल । अन थ्यं बले जिगु उमेर १४ दँ जक दुगु:ख । अन १४ दँ हे च्वना शासन धज्ज धम्माचरिया धयागु बुद्ध धर्म उच्च शिक्षा प्राप्त याना वया । तर थन नेपालय् विहारय् च्वनेगु म्दुनिगुलिं न्हापां जिमिगु हे छँ यलय् च्वना । अन ज्या:बाहा:लय् च्वम्हं भाजु दाईया छँय्, दानलक्ष्मी साहुनीया छँय् च्वना । जिमि बा: नं दान ब्युगु धेवां श्रीघ:ले जग्गा न्याना । आपालं दाता पिनिगु सहयोगं विहार दयका २०२२ सालं निसैं थ्व धर्मकीर्ति विहार श्रीघ:ले च्वना: बुद्ध पूजा धर्म देशना आदि द्वारा बुद्धशिक्षा प्रचार याना च्वंच्वना ।

नेपाल संस्वत १९९६ अंलागा दुतिया शनिवार (२०५३ साल भाद्र २९ गते) थुगु पात्र दान जीवरत्न उपासकया पाखें जूगु जुल । पिण्डपात्र दाता श्री जीवरत्नजु छिगु श्रद्धा धन्य ख: छिं बुद्धया जीवनी नाप सम्बन्ध दुगु किपात किया: विहार विहारे सश्रद्धां पिण्डपात्र दान याना दिल आदर्श काय् बह:गु छिगु श्रद्धाख: । पात्र धयागु बुद्धया बा त्यागी जीवन हनीपिन्त छगू मदय्क मगागु ज्वलं ख: । बुद्ध धया विज्यागु दु “सब्बे सत्ता आहार दितिका” धका: । थुकिया अर्थ फुक्क प्राणिपिं आहार हे निर्भर जुयाच्चंगु दु । विनां आहारं म्वाना च्वने फुपिं सुं म्दु । उकिं पात्र धयागु आहार फया नयेगु छगु: थल ख: । आहार मदेकं जीवन म्वाना च्वने फै मखु । उकिं छिं थ:गु नां जीवरत्न धयागु यात त्वेकहे थासं थासय् जीवन हनेत मदेकं मगागु पात्र दान याना दिल । थ्व


छिगु नां यात लोगु हे ज्या याना दिल ।

धर्मकीर्ति विहारे दान ब्युगु पात्र बुद्ध जीवनी अन्तरगत बुद्ध ज्वीम्ह सिध्दार्थ कुमार लुम्बिनी बने जन्म जूगु: अनं गृहत्याग याना प्याहाँ बिज्यागु व सिद्धार्थ थःगु सँ त्वा ल्हाना अनोमा नदीया सिथे गृहस्थी भेष त्याग याना त्यागी जुया बिज्यागु, बुद्धगयाय् बुद्धत्व प्राप्त याना: पञ्चमार यात जीते याना बिज्यागु मुर्ति सुसजीत याना तःगु थुगु पात्र धर्मकीर्ति विहारे च्वम्ह बुद्ध यात देछाया दिल । धन्य खः।

थुगु पुण्यं छि जीवरत्न उपासक प्रमुख सकल जहान परिवार सुखि व समृद्धि ज्वीमा आयू आरोग्य ज्वीमा धका: आशीर्वाद बिया च्वना
भवतु सब्बमङ्गलं

२०५५-७-८

संस्थापक: धर्मकीर्ति विहार



विश्व शान्ति विहार, नूवानेश्वर

अन्तर्राष्ट्रिय भिक्षुणी संघ गौतमी भिक्षुणी विहार, लुम्बिनी


-भिक्षुणी धम्मवती : अग्गामहा ग्रन्थवाचक पण्डित (वर्मा)

२०२२ साले धर्मकीर्ति बिहार स्थापना याना । श्वहे थासे च्वनाः न्हापां बुद्धपूजा व धर्मउपदेश बीगु आदि धर्म प्रचारया ज्या यानावया । धर्मकीर्ति बौद्ध अध्ययन गोष्ठी दयकाः ल्यूम्ह ल्यासिपिन्त नं बुद्ध धर्मया ज्ञान प्रचार याना च्वंच्वं छन्हु श्व बुद्ध वचन यात लुम्बनावल । लुम्बिनी-बुद्ध जन्म जुया बिज्यागु थाय्, बुद्धगया-बुद्ध पञ्चमार सहित यात त्याका बिज्यागु थाय्, सारनाथ बुद्ध प्राप्त याना बिज्यागु ज्ञान यात आपालं प्राणिया हितया निम्ति प्रचार याना बिज्यागु थाय्, कुशीनगर बुद्ध अन्तिम देहत्याग याना हानं जन्म काय् स्वागु निर्वाण थयंक बिज्यागु थाय् श्व प्यंगू थासे गुणि व्यक्तियि वना दर्शन याः वनी अमिसं याकनं हे संवेग ज्ञान लाय् फै धकाः बुद्ध हे नं प्रशंसा याना तःगु थाय् खः । श्व प्यंगू थाय् मध्य स्वंगू इण्डियाय् लाना च्वंगु दु । केवल बुद्धजन्म भूमि छगू हे जक भूमि नेपालय् लाना च्वंगु दु । श्व उत्तमगु बुद्ध हे नं प्रशंसा याना तःगु थाय् थौतक छुं उन्नति जगू मखुनि । बरु इण्डियाय् लाना च्वंगु बुद्धगया बुद्ध जुया बिज्यागु थाय्, सारनाथ धर्मचक्र प्रवर्तन याना बिज्यागु थाय्, कुशीनगर परिनिर्वाण जुयाबिज्यागु थाय् माक्व बाँलाकाः च्वंगु दु । भूमि नेपाले लाःगु लुम्बिनी छगू हे जक थौं तक नं छुं जुय् मफया च्वन तिनि उकिं जिगु मन अन लुम्बिनी भूमिसंसा छुनं छुं यायेमाल धयागु मती भ्रद्धा वयाः च्वंगु लिपा नेपाल सरकारं लुम्बिनी विहार दयेके निम्ति जग्गा इना विल धयागु न्यनाः २०५१ साल उगु समये उपाध्यक्ष जुया बिज्याकम्ह श्री सूर्यबहादुर शाक्य व सदस्य सचीव आशाराम शाक्य यात जिमि नं विहार दनेया निम्ति जग्गा फवनागुलि बस्पोलपिसं अन्तर्राष्ट्रिय भिक्षुणी संघया नामय् (८० X ८०) मिटर जग्गा प्रदान यानाविल । बहे थासय् धर्मकीर्ति विहारया सक्रियताय आपालं भन्ते गुरुमां पिनिगु व आपालं उपासक उपासिका दाता पिनिगु सहयोगं महामायादेवी सिद्धार्थ कुमारयात जन्म बिद्या बिज्यागु लुयन्ति मतिं सहितगु मन्दिर व स्वयम्भू चैत्य, तीर्थ यात्री भवन २२ कू कोठा व बुद्धहल देका च्वना बले वय्क श्री जीवरत्न स्थापित नं

चाःहु भाल । अवले वय्कःया चित्तय् धर्मं चित्त उत्पन्न जुयाः नेपाल सम्बत १११७
 पोहेलागा सं (२०५४ साल माघ २८ गते) थुगु अन्तर्राष्ट्रिय भिक्षुणी संघ क्षेत्र बने जूगु
 थुगु विहारयात बुद्धजन्म, बोधिज्ञान प्राप्त, सुजाताया क्षीर भोजन दान सिद्धार्थ चाहुं
 बले खंगु बृद्ध व पंक्षी उध्दार स्वयम्भू चैत्य आदि किया तःगु भव्यगु सोफा जाकी
 न्हयंगु सिजः या गुलुपाः पात्र प्रदान याना दिल । उकिं वय्कः भाजू जीवरत्न व
 वय्कया सपरिवारपिन्त आयु आरोग्यया कामना याना ।

२०५५ कार्तिक ८ गते ।

अन्तर्राष्ट्रिय भिक्षुणी संघ स्थल बुद्ध जन्म भूमि, लुम्बिनी



अन्तर्राष्ट्रिय भिक्षुणी संघ स्थल २२ गू कोठाया बुद्धहल भवन लुम्बिनी ।

गुलुपाः

-फणीन्द्रल बजाचार्य

यें देशय् गुकियात गुलुपाः धाइ, उकियात यल देशय् पिपा धाइ । भिक्षा फयेगुः थल थुइकइगु थुपिं निगुलिं शब्द संस्कृत भाषाया गोलपात्र व पिण्डपात्रया अपभ्रंश शब्द खः । गोलपात्रया अर्थ गोल्लागु थल व पिण्डपात्रया अर्थ नं गोल्लागु थल हे खः । थुकियात भिक्षापात्र नं धाइ । पालि भासं “पिण्डपत्त” धाइ ।

इस्वरानन्द श्रेष्ठाचार्यमा नेवार नेपाली अंग्रेजी शब्दकोशय् गुलुपाःया अर्थ भिक्षुपिसं ज्वनाजुइगु ग्वलाःगु पाःचा । नेपाली भिक्षापात्र अंग्रेजी a begging bowl धकाः धयातल । सत्यमोहन जोशीया बःचाधंगु नेवा खँव धुकू सफुलिइ गुलुपाःया अर्थ शाक्यमुनि तथागतं (बुद्धपिसं) व भिक्षुपिसं भिक्षाटन याइबले ज्वनाजुइगु छगू कथंया सियागुपात्र धकाः च्वयातल ।

बोधिसत्व सिध्दार्थ राजकुमारं थःगु ताताःहाकःगु संत्वाल्हाना आकाशय् वांछवयाबिज्यात । अले घटिकार धयाम्ह ब्रम्हां बोधिसत्वयात भिक्षुपित माःगु अष्टपरिष्कार दान यानाबिज्यात । अष्टपरिष्कार धयागु (१) गुलुपाः, (२) चीवर, (३) अन्तरवासक, (४) कमरबन्ध, (५) खोचा, (६) मुलु, (७) लःचाले यायेगु काप व (८) संघाटी खः ।

बोधिसत्व सिध्दार्थ राजकुमारं घटिकार ब्रम्हां दान बिउगु अष्टपरिष्कार धारण यानाः भिक्षु भेष कया बिज्यात । खुदँतक दुष्कर तपस्या याये धुंका दुष्कर तपस्यां जक बोधिज्ञान प्राप्त जुइमखु धकाः भाःपाः दुबलंगु शरीरं दुःख कष्ट भोग यासैं गांगां भिक्षाचार यानाः भोजन भपा बिज्यात । वैशाख पुन्ही खुन्हु बोधिसत्व वंगलसिमाया मूलय् च्वनाः पूर्वपाखे स्वयाः ध्यान यानाबिज्याना च्वबले सेनानी गांया म्हायाम्चा सुजाता मयजुं छगू लाख मू वंगु लुंयागु पिण्डपात्रय् खीर तयाः “गथे जिगु इच्छा पूर्ण जुल अथे हे छःपिनि इच्छा नं पूर्ण जुइमा” धकाः आशिका यासे बोधिसत्वयात खीरदूगु गुलुपाः लःल्हाना बिल ।

बोधिसत्वं थुगू खीर दूगु पिण्डपात्र लःल्हानाकयाः नैरञ्जना खुसिया सिथय् बिज्यानाः घाटय् पात्र दिकाः स्नान यानाबिज्यात । बसपोलं पूर्वपाखे स्वयाः उगु खीर

पीप्ये (४०) यानाः भोजन भपाबिज्यात । भोजन भपे धुकाः थुगु बहुमन्य पिण्डपात्र यात चायागु थल थें भाःपाः खुसिइ तुं चुइका छ्वया बिज्यात । सुजाताया खीर दान लिपा बोधिसत्वयात बोधिज्ञान प्राप्त जुल । वसपोल सम्यकसम्बुद्ध जुल ।

भगवान् बुद्धं न्हिं न्हिं भिक्षाटन याना बिज्याइबले भिक्षुगणपिं लिउलिउ तयाः सकस्यां पिण्डपात्र न्हातय् ज्वनाः नमवासे लँय् न्ह्याना बिज्याइगु खः । थथे भिक्षाटन बिज्याःपिं सम्यकसम्बुद्ध सहित सकल भिक्षुगणयात उपासक उपासिकापिसं थःपिनिगु श्रद्धा अनुसार बगु जा, के, तरकारी आदि दान याइगु खः । भिक्षुपिसं श्वहे पिण्डपात्रय् फयाः भोजन यानाबिज्याइ ।

भगवान् बुद्धया अन्तिमकालय् वसपोलं भिक्षु आनन्दयात धयाबिज्यात श्व निगू पिण्डपात्र (भोजन) दान, धार्थें हे फलदायक खः । अन्य पिण्डपात्र दानयासिनं अधिक महत् फल प्राप्त जुइगु सुफल प्राप्त जुइगु खः । छु छु निगू धालसा (१) छगू पिण्डपात्र दान गुगु खः भपाः, अनुत्तर सम्यक सम्बोधि ज्ञान लाना बिज्यात । (उगु पिण्डपात्र सुजातां खीर तयाः प्रदान याःगु खः ।)

(२) मेगु पिण्डपात्र दान गुगु तथागतं भपाः महापरिनिर्वाण लानाबिज्यात । (उगु पिण्डपात्र चुन्द कर्माकर पुत्रं प्रदान याःगु खः ।) थुकथं भगवान् बुद्धया जीवनय् पिण्डपात्रया तःधंगु महत्त्व दुगजुल । पिण्डपात्रया सन्दर्भय ललितविस्तर बोधिचर्याय् उपाध्यायत्व ग्रहण यायेगु विधिइ थथे च्वयातःगु दु ।

“यदि भिक्षाचरणायागु आवश्यक समय जुल धालसा पिण्डपात्र सिलाः, गुर्यात बियेगु ।

भोजनयागु समये भोजन शालास बँपुनाः जलपात्रे लखं पूर्ण यानाः भोजन आसन लाया बियेगु गुर्या भोजन सिधयेका बिज्यायेवं लख बियाः गुर्याके च्वंगु पिण्डपात्र थमं कया सम्हाले यानाः सिलेगु । पिण्डपात्र सम्हाले यायेगु गये धालसां “आसन मदयेक बँस मतयेगु, लुया मकायेगु, गनं महाकेगु इत्यादि । हानं सिले धुंकांलि गुर्यागु भोजन आसन थनाः, नित्ययागु थासय् तथाछ्वया बँ पुना छ्वयेगु” पृ १९९,

कपिशावदानया सर्वानन्द नृप कथास जुजु सर्वानन्द दीपंकर तथागतयात प्रसन्नशील महाविहारय् पिण्डपात्र दान याना बिज्याःगु खँ थथे धयातःगु दु ।

“तस्मिन् समये दीपंकर भगवान् तथागत सम्यक् सम्बुद्ध प्रसन्नशील महाविहार बिहरतिस्म । तदा तेन सर्वानन्द नृपेण श्री दीपंकर भगवतेर्हते सम्यक् सम्बुद्धाय

पिण्डपात्रदाने चित्तमुत्पादयति स्म ।”

सर्वानन्द जुजुं गुजागु पिण्डपात्र दान याना विज्यात धयागु खें थुगु गाथास थथें
उल्लेख जुउगु दु ।

सुवर्ण रत्नांकित पिण्डपात्रं

चिन्तामणि रसान्वित पायसं च ।

सम्पूज्य संछाद्य सुवर्णपत्रैः

शत सहस्राणि प्रयोजयन्ति ॥

थुगु पिण्डपात्र लुंयागु नवरत्न थुनातःगु तासं तोपुया तःगु खः । थुकिइ अनेक
किसिमयागु सुगन्धित रस दुगु मरमसला तथा तःगु खीर जायेक तथातःगु खः ।

श्री दीपंकर तथागत आदि जिनसंघयात पिण्डपात्र दान याइबले यायेगु विधि
थथे कनातःगु दु । न्हापां भूमिइ बसा लायेगु, तुति सिइकेगु, इलां प्यनेगु, आसन लाया
बियेगु, नस्वाःगु धुं धुपांय् च्याकेगु, श्रीखण्ड कुंकुम, चन्दन आदि नस्वाःगु द्रव्य बुकेगु,
जजंका कोखायेकेगु, नैवेद्य, पञ्चामृत छायेगु । थुलि धुकालि पिण्डपात्र दान यायेगु ।
पिण्डपात्र दान याइबले थुजागु गाथा ब्वनी ।

सौवर्णं रौप्यं विविधं धातुजं मृन्मयं वा

शाल्योदनैः सुपरिपूर्णं सुपिण्डपात्रम् ।

भक्त्या ददन्ति सततं जिनसाधिकेभ्यः

स्यात्तस्य पुरायमसमं फलमप्रमेयम् ॥

थुकिया नेपालभाषा पद्यानुवाद

ना ना किसिमगु वहःलुं फुक्क चीजयागु

चायागु ज्वी अतिक सुन्दर जुस्य जागु ।

जा दंक तैगु गुलुपाः मुनि संघ यात

संख्या थुलीत दु धकाः मदु सो श्व दानं ॥

थुकिया भावार्थ थथे खः लुंयागु, वहःयागु, सिजः, ली, धलवत, न आदि
धातुयागु, वा चा त्वहं आदियागु पिण्डपात्रय् जायेक मारसी जाकिया जा तथाः सुनां
भगवान् बुद्धया संघयात दान याइ उमित तस्क्ं तःधंगु पुण्य फल प्राप्त जुइ ।

थथे भगवान् बुद्ध व भिक्षुपिन्त नं मदयेक मगाःगु वस्तु गुलुपाः खः । थुजागु
गुलुपाः दान यायेगुया पुण्यया फल अप्रमेय अर्थात् उलि थुलि धकाः धाये मफयेक दु
धयातल । उकिं भी थाय नेपालय् श्व गुलुपातय् जायेक वा जाकि तथाः स्वयम्भू आदि

भगवान् बुद्धयात व विहारया क्वापाद्यः, चीबाहृद्यः आदियात छायेगु याना वयाच्वंगु दु । पञ्चदानबले व पुन्नि अष्टमी सल्लुबले शाक्य, बज्जाचार्यपिन्त नं गुलुपाः दान बियावया च्वंगु दु । थये गुलुपाः दान बिइबले दानगाथा ब्वनाः दान फया कायेगु याइ ।

गुलुपातय् भिक्षुपिसं जक भोजन याये जिउ मेपिसं मजिउ । गुलुपातय् अमेय वस्तु तये मजिउ । चिप याये मजिउ । थ्वाये, हाचां गाये मजिउ । गुलुपाः यात भगवान् बुद्धया हे प्रतीक भाःपाः गुलुपाः स्वनाः पूजा यानावया च्वंगु दु ।

सच्चि ति दै न्हापा थायमदु त्वाः न्हुबाहायाम्हु जोगवीरः नायोनं ५ माना ति न्हयं गु सिजः यागु गुलुपातय् खीर तथाः ये देशया छँखाछि बज्जाचार्यपिन्त दान यानावंगु खः । श्व गुलुपाः गुलिं गुलिं बज्जाचार्यपिनि छँय आतकं दनि ।

श्रद्धावान् जीवरत्न स्थापितं न्हापां मूल, भगवान् स्वयम्भू व अतं ज्ञानमाला भजन खलः स्वयम्भूयात, श्रीघः या धर्मकीर्ति विहारयात व भिक्षुणी संघ लुम्बिनी विहारयात कलापूर्णं तगोगु स्वफा जाकि न्हयंगु गुलुपाः दान यानादिल । आः हान विश्वशान्ति विहार, नगर मण्डपकीर्ति विहार, श्रीघः बुद्ध विहार, यात तगोगु गुलुपाः दान यायेगु सदच्छा यानादिइगु दु । श्व तः धगु पुण्यया ज्या खः ।

पिण्डपात्र दानया थुगु पुण्यं सतजीव जीवरत्न उपासक व नानी देवी स्थापीत प्रभृति सकल जहान परिवारया सुख समृद्धि व आयु आरोग्य जुइमा धयागु शुभ आर्शिवाद दु ।

लिधंसा सफू

१. भिक्षु महाप्रज्ञा- ललितविस्तर बोधिचर्या १०९८
२. पं. व. आशङ्काजी बज्जाचार्य सर्वानन्द नृप जातक, १९९४
३. अमोघवज्र बज्जाचार्य संक्षिप्त नेपाल भाषा सहित दानगाथा, १०८६



ज्ञानमाला भजनयात
दकलय् न्हापां
देछानादीगु अष्टमंगल
दूगु गुलुपाः या किपा ।

धर्म व श्रद्धा

लेखक दिव्यरत्न तुलाधर, त्यर

श्व संसार स्थिर जुयाचवंगु मूल हेतु धर्म व श्रद्धा हे खः धैरु जन-विश्वास अनादिकाल निसे श्व वर्तमान इलय नं व्याप्त जुयाचवंगु दनि । श्रद्धालु भक्तजनपिसं श्व हे "धर्म व श्रद्धा" यात नालाकयाः भिं-भिंगु ज्या खँया परम्परा न्याकाचवंगु दनि । थये बाँलागु ज्या खँयात हृदयङ्गम याना पासा (न्याय्कं त्वालं हाल बसोबासः बागबजाः टुकुचा स्थित) जीवरत्न स्थापितजु श्व हे "धर्म व श्रद्धा" यात बःकयाः गथे वय्कःया दिवंगत बाज्या रत्नशंङ्करजु स्वयम्भू स्थानय् धर्मयाना महाचैत्यया मूलम्ह भगवान श्री अमिताभ तथागतयात वहःयागु च्वाम्बःव ब्रह्मयागु ध्वजा ब्रह्मलप्यगु यानाः केना थकूथें वय्कल न खुदं न्हयः निसे ई व्यो स्वस्व रचनात्मक ज्याखँय् संलग्नता केना दीगु च्वाछाय्बहःगु खः । थुकियागु धलः थये खः-

१. वछलाश्व त्रयोदश ११११ शनिवाः (२०४८ जेष्ठ २६)

दकलय् न्हापां थःगु छँ न्याय्क त्वाः जुयाचवलय् करुणामय पूजाखलःपाखें थाय्मर (बाँङ्गमुढा) स चैत्यपूजाया इवल्य् ज्ञानमाला भजन, बुद्धपूजा तथा पं. वद्रीरत्न बज्जाचार्य द्वारा धर्मदेशना ज्याखँय् व्वतिकयाः वय्कलं जलपान याकादीगु जुल ।

२. पोहेलाश्व चतुर्दश १११५ आइतवाः ध्योचाक् संल्ह (२०५१ माघ १)

श्री स्वयम्भू महाचैत्य स्थानय् मूलम्ह भगवान श्री अमिताभ तथागतयात दकलय् न्हापांगु कूछि जाकि न्हयंगु सिजःयाजु गुलुपाः छाछायाः पूजा याना दीगु जुल ।

३. पोहेलागा पञ्चमि १११५ शनिवाः (२०५१ माघ ७)

धोवीधाराय् कुमारी संकिपां हलया सत्तिकं चवंगु थःगु सेगु छँस ज्ञानमाला भजन खलः स्वयम्भूयात निमन्त्रणा याताः भजन धुनेवं बुद्धपूजाया इवल्य् (जाः १४"X १४" डाइमिटर व स्वफा जाकि न्हयंगु सिजःयागु गुलुपातय् छाचाजलिं

कलश, न्या, शङ्ख, श्रीवच्छ, पुण्डरिक, ध्वजा, च्चाम्बः व छत्र आदि अष्टमङ्गल-
बुट्टा किकाः भचा च्वसं अग्निपुर व पातालपुया दश्वी श्री स्वयम्भू चैत्य दुगुः स्वंगु
बुट्टायसं पलेस्वा सहित लुं सिया किया तःगु श्व गुलुपाः इलय्-व्यलय् भजन सतःया
मोहडाय् ब्वयातय्गु तातुना ज्ञानमाला भजनया अध्यक्ष रत्न बहादुर तन्दुकारयात
लःल्हाना दानयाःगु जुल । श्रद्धेय् भिक्षु अश्वघोष महास्थविरया धर्मदेशनां धुंका
छगू जलपानया व्यवस्था नं यानादीगु जुल ।

४. बछलागा षष्ठि १११५ शनिवाः (२०५२ जेष्ठ ६)

वागवजाः टुकुचा खुसिया सिथसं च्वंगु हानं मेगु न्हगु छँस करुणामय पूजा
खलःयात हानं निमन्त्रणा वियाः भजन लिपा बुद्धपूजा सिधय्वं पं. बद्रीरत्न
बज्जाचार्ययागु धर्मदेशना व जलपानया व्यवस्था नं यानादीगु जुल ।

५. जंलाश्व दुतिया १११६ शनिवाः (२०५३ भाद्र २९)

यँ, नःघलय् श्रीघः विहार दुने च्वंगु धर्मकीर्ति विहारयात दोहलपा (जाः
१४"X १४" डाइमिटर व स्वफा जाकि न्हयंगु सिजःयागु गुलुपातय् छ्चालिं बुद्ध
जन्म, बुद्ध प्रवज्यां, महाभिनिष्कण, गयास बोधिवृक्षया मूलय तपस्या याना बिज्यागु
बुट्टाया च्वसं श्री स्वयम्भू महाचैत्य छगलय् पलेस्वां सहित लुं सियाः कियातःगु थूगु
गुलुपाः सदां ब्वया तय्गु यानाः धम्मवती गुरुमां यात लःल्हाना दीगु जुल ।
प्रारम्भय् स्वयम्भू ज्ञानमाला भजन लिपा धम्मवती गुरुमां पाखें बुद्धपूजा लिसें
धर्मदेशना अन्त्यय् भिक्षुगण व गुरुमापिं हानं उपासक-उपासिकापिन्त नं जलपानया
व्यवस्था यानादीगु जुल ।

६. कछलाश्व षष्ठी १११७ आइतवार (२०५३ मार्ग १६)

महामानव गौतमबुद्धया जन्मस्थल पूण्यभूमि लुम्बिनी उद्यानय् करुणामय
पूजाखलःया ग्वसाःकथं पं. बद्रीरत्न बज्जाचार्यद्वारा न्हिच्छि व चछि प्रवजित लुडगु
पूण्य कार्यसं भिं स्वम्ह उपासकपिं मध्ये जीवरत्न स्थापित नं व्वतिकयाः दीगु
जुल ।

७. गुँलाश्व दुतिया १११८ मङ्गलवाः (२०५४ श्रावण २१)

न्हापा छ्छाय् धूंगु वःछ्छाय् वाकि दनिगु स्वफा न्हयंगु सिजःयागु गुलुपाः
त्वपुडत प्यल्य न्हाय्कं यागु खोल कथंया त्वपुसादय्का, धर्मकीर्ति विहार, लुम्बिनी
विहार, विश्वशान्ति विहार, नगर कीर्ति विहार आदि थासय्या निति थौ थन

धर्मकीर्ति विहारय् छगः धम्मवती गुरुमायात लःल्हाना खीर जलपानया व्यवस्था नं याना दीगु जुल ।

८. सिल्लाथ्व चर्तुदश १११८ मङ्गलवाः (२०५४ माघ २८)

शान्तिया अग्रनायक महामानव गौतमबुद्धया पवित्रगु पुण्यस्थल लुम्बिनि उद्यानय् च्वंगु भिक्षुणी संघ विहारय् न्ह्यावलें व्वयातय्गु लागिं (जाः १४" X १४" व स्वफा जाकि न्ह्यंगु सिजःयागु गुलुपातय् छचाःलिं क्रमसः प्राकरण्य, लक्षवेद, सुजाता खीरदान, यशोधराया स्वयम्बर, अले चीभा व स्वांफ्वः जक लुं सियागु पलेस्वां सहितयागु) थुगु गुलुपाः छगः नं भिक्षुणी धम्मवती गुरुमायात लःल्हानाः द्यछागु जुल । अन्त्यय् सकसित खीर जलपानया व्यवस्था नं यानादीगु जुल ।

९. पोहेलाथ्व सप्तमि १११९ शुक्रवाः (२०५५ पौष १०)

जीवरत्न स्थापित वूगु दिं ने.सं. १०५९ (वि.सं. १९९५) पोहेलाथ्व सप्तमी आ, थौं नं. थ्वहे तिथि (मिति) अनुसारं छ्वीदँया जन्मन्हिं कथं "भद्र बुन्हि" या लसताय् कुल गुरु पुरोहित श्री अष्टरत्न बज्राचार्य सहित न्याम्हेसिया सयुक्तरूपं सत्वपूजा श्री आर्यतारा पूजा यानाः थ्वहे बागबजारःया छँ आमन्त्रित पाहाँपिं सकसितं जलपानयागु व्यवस्था नं यानादीगु जुल ।

१०. सिल्लागा १११९ द्वादश शनिवार (२०५५ फागुण १)

वय्कःया जन्म जूगु छ्वी दँया थ्व हे भद्रबुन्हिया लसताय् न्हू वानेश्वर स्थित विश्वशान्ति विहारय् सदां व्वया तयेगु लागिं (बुद्ध जन्मस्थल लुम्बिनिः कृ षा गौतमी, अंगुलिमाल, पञ्चभद्रवर्गीय भिक्षुपिं व कुशिनगरया निवारणं किपा सहितं किया तःगुः च्वसं चीभाः व स्वांफ्वः (जक लुं सियातःगु पलेस्वां सहितगु सिजःया स्वफा जाकि न्ह्यंगु जाः १४" X १४" डाइमिटर दुगु गुलुपा छःगः) पुज्य भन्ते ज्ञानपूर्णिक महास्थविरया ल्हाती लःल्हाना द्यछाया दीगु लिसें वसपालेपिन्त भोजनया व्यवस्था नं यानादीगु जुल ।

११. सिल्लागा १११९ द्वादश शनिवार (२०५५ फागुण १)

वय्कःया थ्व हे भद्र जन्मोत्सव दिया लसताय् धर्मचित्त उत्पति जूथें वीर्यपार मिता लुमंकाः विश्व शान्तिया कामना यासैं हानं मेगु उत्साह कथं कीर्तिपुर स्थित नगर कीर्ति विहारय् नं न्ह्यावलें व्वयातय्गु मतिइ तथाः

१. मायादेवीया म्हगसय् तुयुम्ह कीसि

२. लुम्बिनिस बुद्ध जन्म जुय्वं न्हयपला: छ्युगु
३. सारनाथ्य धर्म चक्र प्रवर्तन
४. बुद्ध भूमि स्पर्श यानाविज्यागु
५. कुशिनगर्य बुद्धया महापरिनिवाणया

किपा सहितं कियातःगु च्वसं चीभाःलय् जक लू सियातःगु पलेस्वां, सहितगु सिजःया स्वफा जाकि न्ह्यंगु जाः १४"X १४" डाइमिटर दुगु गुलुपाः छगः) पुज्य भन्ते सुदशं महास्थिविरयात लःल्हानाः द्यछायादीगु लिसैं वसपोलपिन्त अथेनंतुं भोजनया व्यवस्था नं याना दीगु जुल ।

१२. वथेनंतुं श्रीघः विहारयात नं गुलुपाःदान यायेगु इवल्य् पुज्य भन्ते अश्वघोष महास्थिविरजुयात प्रदान यानादिल ।

सृष्टिकास्ता लोकेश्वर नाला करुणामय देगलय् १०८ मध्ये, श्री कृताञ्जलि लोकेश्वर मेपिनिगु सरह वयकलं नं व्वति कया छम्ह द्यः यागु खर्च २०४७ साल पुष महिना कुन्हु प्रदान यानादीगु जुल ।

सभ्यताया इवल्य् सामाजिक ज्याखँया दुने धर्म व श्रद्धा अनादिकाल निसैं परम्परागत न्ह्याना वैचवंगु सन्दर्भ्य धर्मचित्त उत्पत्ति जूथें थम्हं यानागु ज्याखँ लिपा नं छ्य् छुइपिनिगु पाल्य् नं पुखाया सदीच्छा यात पूनर्जागरणया नितिं थौ वयकलं केनादिगु धर्म व श्रद्धा पासा श्री जीवरत्नया जहान नानीदेवीया सुस्वास्थ लिसैं काय्भाजु सुरेन्द्ररत्न, चन्द्ररत्न, गौतमरत्न, म्हाय् मय्जु नीलम, भउमय्जु मिनर्वा, चन्दा, प्रमिला छ्यपिं भाजु शैलेन्द्र व मय्जु सुदिस्ना स्थापित प्रमुखं सकल छँजः पिनिगु आयु आरोग्यया कामना यासैं महामानव शाक्यमुनि तथागतया अधिष्ठान याना विश्वशान्तिया नितिं जगत् प्राणिपिनि नं उद्धार जुयमाल धका सुभाय् द्यछानागु जुल ।

२०५५ पुस १० गते थःगु छ्वीदैं क्यंगु भद्रबुन्हिया लसताय् थःगु बागबजार छँय् न्याम्हः गुरुजु (पंचबुद्धपिं) पाखे सत्वपुजा यानाः सच्चि व च्यागः बुद्धमूर्ति कियातःगु सिजःया स्वचकति न्ह्यंगु गुलुपाः दान यायेगु मतिइ तथा दी थें न्हापागु कुसिइ नां न्ह्यथनापिं भिस्वम्ह बज्राचार्यपिन्त गुलुपाः द्रहलपा दिल ।

- | | |
|--|---------------------------------------|
| १. पं. वद्री रत्न बज्राचार्य, महाबौद्ध | २. तेजरत्न बज्राचार्य, यतखाबाहाः |
| ३. अष्टरत्न बज्राचार्य, क्वाःबाहाः | ४. शान्तरत्न बज्राचार्य, मुःबाहाः |
| ५. ज्ञान रत्न बज्राचार्य, गल्कोपाखाः | ६. चक्रमुनि बज्राचार्य, सवलबाहाः |
| ७. बज्रमुनि बज्राचार्य, सवलबाहाः | ८. अष्टवज्र बज्राचार्य, तखाछँ जनबाहाः |

९. हेमहर्ष बज्जाचार्य, दुगंबहि

१०. सुशील हर्ष बज्जाचार्य, दुगंबहि

११. बच्चुमुनि बज्जाचार्य, सवलबाहा:

१२. चिनीकाजी बज्जाचार्य, लगं तःबाहा


१३. मोतीहर्ष बज्जाचार्य, टेकू

२०५५ पुष १४ गते थःगु वागवजारया छँसं वहे उपलक्ष्य थसं थाय् देगल्य् विहार
य् च्वनाः फ्वनाः जिविका याना च्वपि १०८ म्ह गरिव गुरुवापिन्त त्यंक भोजन याकाः
थःगु श्रद्धा कथं दक्षिणा वसः नं दान याना दिल ।

१०८ गुलुपाः दान मध्ये बाँकिगु ९५ गः गुलुपाः पुजा बिज्याइपि बज्जाचार्य गुर्जुपिन्त
छेखँ छगः दान याना दीगु ज्या याये बाँकी दनिगु जुल ।



श्री घ विहार, धर्मकीर्ति
विहारयात प्रदान
यानदीगु
गुलुपाःया किपा ।



नगर मण्डल श्रीकीर्ति विहार, क्यपु

भाजु जीवरत्न स्थापित पाखें विश्व शान्ति विहार
यात

पिण्डपात्र दान

देव काजी शाक्य,
विश्व शान्ति विहार

पालि शब्द “पिण्डपत्त” धयागु हे पिण्डपात्र ख; गुकियात साधारण भ्नीगु थःगु माँभाषं गुलुपाः नं धाः । “पिण्ड” धयागु जाप्यय् खः सा “पत्त” धयागु उकी कुत्तुं वड्गु खः । अर्थात् जाप्यय् आदि नसा त्वँसात श्रद्धापूर्वक दातापिसं दान वीगु कथं कुतका जीवन हनेगु लागी प्रदान याइगु दातव्य पदार्थत फया कायेगु रुपय् छयलेगु वस्तु खः -पिण्डपात्र । श्व अर्थय् स्वया यंकल धाःसा सम्यक् आजीविका हना च्वँपि भिक्षु श्रमणापिसं छयलिगु वस्तु थल पिण्डपात्र अथवा गुलुपाः खः ।

पिण्डपात्र धाय् मात्रं भ्नीगु न्ह्योने गुलुपाः ज्वना बुलुहुँ मैत्री करुणादि ध्यान भावनाय् लीन जुया भिक्षाटनया लागी पलाः न्ह्याका बिज्याना च्वनीपिं व सम्यक् आजीविकाया स्वरूपयात प्रतिविम्बित याना बिज्याना च्वनीपिं भिक्षु श्रमणापिनिगु छ्वाः लुयावड् । भ्नी नेपाल भाषाया नाँजाम्ह कविकेशरी चित्तधर हृदयया सफू “सुगत सौरभ” धयागु महाकाव्यय् च्वयातःगु अनुसारं ला बुद्धया अंश धयागु हे चीवर व पिण्डपात्र खः ।

पिण्डपात्र व भिक्षुपिनिगु दथुयागु स्वापु आः थौं भ्मिगःयागु जक स्वापु मखु कल्प कल्प न्ह्योनिसें थी थी बुद्धपिनि पालं निसें न्ह्याना वयाच्वंगु श्व स्वापु खः धायेगुनं छुं पाइमखु । शुद्ध पवित्र व सम्यक् जीवनयात प्रतिनिधित्व याना च्वंगु वस्तु अथवा थलः हे गुलुपाः अर्थात् पिण्डपात्र खः । भौतिक सुख भोग त्याग याना, जहान परिवार थःथिति त्वता, ऐश आरामयात ध्याकुने तया, ध्यान भावन क्वात्तुका, आध्यत्मिक जीवनयात पाचिना निवांण कामना यासे अटुट कथं जीवन न्ह्याका च्वँपिं बुद्धपुत्र भिक्षुपिसं प्रयोगय् ह्या बिज्याना च्वनीगु वस्तु धड्गु हे गुलुपाः खः ।

बुद्ध, प्रत्येक बुद्ध, बुद्धश्रावक, अग्रश्रावक, महाश्रावक, आर्यश्रावक, सम्मति श्रावकपिसं श्व वस्तु छ्यला बिज्याना च्वंगु खँ भ्नीसं ग्रन्थत अध्ययण याना स्वयेवले बाँलाक हे खनी । प्रत्येक बुद्धपिं सर्वसाधारण मनूयात भौतिक रुपं उपकार याना

बिज्याइपिं खः । मनुतय्सं वस्पोलपिनिगु पिण्डपात्रय् दान प्रदान याइवले वस्पोलपिसं
बिया बिज्याइगु आशीर्वाद तःसकं प्रभावकारी जुइगु जुयाच्चन ।

“इच्छितं पत्थितं तुह्यं खिप्पमेव समिज्झतु

पुरेन्तु चित्तसङ्गप्पा; चन्दोपन्नरसी यथा

.....मणिजोतिरसो यथा”

श्व श्लोकय् च्वयातःगु कथं प्रत्यक बुद्धपिनिगु आशीर्वाद तुरन्त सिद्ध जुइगु
जुयाच्चन । इच्छायागु पुरेजुइगु, मनय् दुने च्वंगु संकल्प मनं तुंनाथें पुन्हिवलेसिगु
चन्द्रमाथें जुया पूर्ण जुइगु, मणियागु ज्योतिथें जुया झलमल्ल जुइगु जुयाच्चन ।
अथेजगुलिं वस्पोलपिसं प्रयोग याना बिज्याइगु वस्तु “गुलुपाः” वस्पोलपित दान विइगुया
प्रभाव वा लिच्चः कम महत्वपूर्ण व कम प्रभावशाली जुइमखुगु जुयाच्चन । गुलुपाः दान
बिया वस्पोलपिनि पाखें प्राप्त जुइगु आशीर्वादया लिच्चः कथं दातायागु जीवन हे
जाज्वल्यमान जुइफइगु जुयाच्चन । गुलुपाः दानया प्रभावं दातायात अथवा दातापिन्त
सुख दइगु दुःखं मोचन जुइगु जुयाच्चन । श्व हे गुलुपाःयागु महिमा खः धाय्गु पाय्छि
जुइताया । सेनानी निगमवासी श्रेष्ठीपुत्री सुजातां दान ब्यूगु क्षीर भोजन, व हे दान
ब्यूगु लुँयागु पात्रय् तथा भोजन याना बिज्याय् धुंका भावी शाक्यमुनि भगवानं थःथे
अधिष्ठान यानाथें थःगु मनं तुनागु “बुद्ध” जुइगु संकल्प पुरय् जुइगु खः सा थुकीयात
चुइकः छवयबले अखः दिशां न्ह्याना वनेमाः धकाः चुइका छ्वया बिज्याबले अथे हे
जुल । सुजातां न श्व पिण्डपात्रय् भोजन याना बिज्याइम्हसिगु मनं तुना पूरय् जुइमाल
धकाः आशिका याःगु खँ नं फुक्क पूरे जुगु साधारण व मामुली खँ मखुः । उकिं
गुलुपाःदान विइगु धइगु चीधंगु दान धका गुगुकथं नं धायेमछिं ।

बोधिसत्त्व सिद्धाथं गृहत्याग याना अनोमा खुसीसिथे प्रव्रजित जीवन हने नितिं
घटिकार ब्रम्हां अष्टपरिष्कार दान ब्यूबलेसिगु पात्र बुद्धं राजगृहय् भिक्षाटन बिज्यावले
छयलाः बिज्याःगु खनेदु । तर दुष्करचर्या लिपा उगु पात्रयागु उल्लेख गनं खने मदु । बुद्ध
जुया बिज्याना सप्त सप्ताह बितेयाना बिज्याना च्यागूगु सप्ताह खुनु तपुस्स व भल्लुक
व्यापारी दाजुकिजा निम्हसिनं कस्तिं बुला लड्डुधुं याना दान ब्यूगु सत्तुग्वारा ग्रहण
यायेत चतुर्मेहाराज प्यम्ह देवतापिसं दान ब्यूगु प्यंगः पात्र यात अधिष्ठानं सी प्यत तथा
छगोः याना ग्रहण याना बिज्यागु ल्वहँयागु पात्र अबले छयलाः बिज्यागु खः । श्व हे पात्र
बुद्ध जीवनकाछिं छयलाः बिज्याःगु खनेदु ।

घटिकार ब्रम्हा, सुजातां, चतुर्महाराजपिसं बुद्धयात पिण्डपात्र दान व्यूगु खँयात
 बाँलाक वाला थुइका स्वल धाःसा सम्यक् आजीविका हनीपिन्त पिण्डपात्र गुलुपाः दान
 बिइगु धयागु अत्यन्त महत्वपूर्ण जुयाच्चन धइगु भीसं खनी, थुइ । गुलुपाः खने मात्रं
 हे भीसं उकी दुने छुं तथा बिइमास्ति वइगु अर्थात् दान प्रदान यायेगु भावना भीगु मने
 दना वइगु जुयाच्चन । मनय् दान भावना बलने मात्रं भीके दुगु अकुशल चित्त, द्वेष,
 मोह, लालच आदि चिला वनीगु जुयाच्चन ।

थुजोगु क्लेशत, अकुशल भावनात चीका छवयेत प्रेरणायागु श्रोतया रूपे
 गुलुपाःयात भीसं थुइकेमागु दयाच्चन ।

श्व दुष्टिकोण स्वयेबले भाजु जीवरत्न स्थापितजु नं थःयात संसार क्याना
 पालन पोषण याना हुकें याता बिज्याःह् बौ स्वर्गीय भाजुरत्नया नामय् विहार विहार
 पतिकेँ धयाथें भाया सोफा सोफा न्हयंगु गुलुपाः दान बिइगु कुशल चित्त थना दीगु
 खँयात मामुली तायेके मज्जगु जुल । वास्तवे नेपालय् बुद्धधर्म क्वात्तुक न्हयब्लाका
 यकेगु ज्याभवःलय् श्व नं छगु बाँलागु, प्रशंसा यायेवहःगु पलाः खः । बौद्धपिं नाप नाप
 अबौद्धपित्त तके बुद्धधर्म प्रति अभिरुचि, श्रद्धा बलकामीगु, बौद्ध परम्परा, रीतिथिति
 संस्कृति, थुइकाबिइगु, स्यना बिइगु अले श्रद्धेय भिक्षुश्रमण प्रति बाँलागु भावना प्रवृत्त
 यायेगु, ज्याःखँय् वयकःयागु श्व कुशल ज्याखँ तःधंगु तीवः जूवनी धकाः भलसा
 कायेगु पायछि जुई । अले श्व गुलुपातय् किया तःगु बुद्ध जन्म जगु, बुद्ध पञ्चभद्रवर्गीय
 भिक्षुपिन्त देशना याना बिज्याःगु, महापरिनिर्वाण जुया बिज्याःगु, किशा गौतमीयात
 संसार धइगु अनित्य खः धकाः अवबोध याका बिज्याःगु, अंगुलीमालयात दमन याना
 उद्धार याना बिज्याःगु व चीभाःया चित्र नं कलात्मक देगः स्वयेगु खःसा महत्वपूर्ण जु ।
 श्व गुलुपाःयागु कलात्मक मू नं उति हे चवन्हया तायेका चवना ।

वस्पोलया विश्व शान्ति विहारय् गुलुपाः दान बिइगु ज्या अभ्र यक्व महत्वपूर्ण
 जूवगु दु ।

नेपालय् बुद्ध शासन चिरस्थायी यायेत, बुद्ध शासनयात स्थायित्व व निरन्तरता
 बिइत थुजोगु ज्या यायेफूपिं, तन मन बिइफूपिं, लायकपिं, योग्यपिं, सक्षमपिं, लगनशील
 तथा सकय नेतृत्व बिइफूपिं भिक्षु श्रमणपिं उत्पादन यायेगु लागी स्थापना जुगु श्व
 विश्व शान्ति विहारयात गुलुपाः दान बिइगु धइगु हे विहारयागु कुशल व पूनित उद्देश्य
 पूर्ति यायेगु ज्याय् तीवः बिइगु जू वनी, ग्वाहालि बिइगु जू वनी अले विहारयात
 क्वात्तगु भलसा बिइगु जूवनी ।

विश्व शान्ति विहार श्रद्धेय भिक्षु ज्ञानपूर्णिक महास्थविर व वस्पोलया कुशल नेतृत्वय् न्याना वनाचवंगु विहारया पूनित कार्ययात हःपा बिइपिं थन मेपिं प्यम्ह भिक्षुपिनिगु व आधुनिक औपचारिक शिक्षाया नापं नापं बुद्धधर्म सम्बन्धि शिक्षा दीक्षा ग्रहण यायेगु ज्याय् व्यस्त जुया विज्यानाचवपिं २१ म्ह श्रामणोरपिं व स्वन्ह अनगारिकापिनिगु थव पवित्र निवास स्थान (विहार) खः ।

सुश्री चैत्यमाया शाक्यया कुशल चित्त दनावया दान प्रदान याना बिज्याःगु ३ रोपनी, ६ आना व ३ पैसा न्हु वानेश्वर यँया जग्गाय् २०४८ सालय् विश्व शान्ति विहार स्थापना जूगु खः । २०५२ वैशाख २ गते न्हवंपुन्ही खुनु तत्कालीन स्वास्थ्य मन्त्री पदमरत्न तुलाधरजु पाखें थव धर्म चैत्य धमांगार विहार पुनर्निर्माणया लागी शिलान्यास जुया २०५४ कार्तिक ९ गते बर्माया सयादो अग्न महापण्डित भदन्त ऊ शासनाभिवंस पाखें समुदघाटन जूगु खः । थव विहारय् बुद्ध-धर्म सम्बन्धी थीथी ज्या अले श्रामणोर अनागारिकापिनिगु लागी विश्व शान्ति बौद्ध शिक्षालय यागु नामं विद्यालय नं संचालन जुया चवंगु दुगु जुल ।

थौं सकल राष्ट्रिय तथा अन्तर्राष्ट्रिय जगतया उपासक उपासिकापिनिगु संयुक्त प्रयास व निरन्तर सहयोगं न्ह्याने न्ह्याः वनाचवंगु थव विहारय् तःधंगु आस्था, अभिरुचि व श्रद्धा क्यना गुलुपाः दान विइगु ज्या भाजु जीवरत्न स्थापितजुयाःगु तसकं च्वन्ह्याःगु व प्रशंसा याये वहःगु कुशल चित्त व कुशल कार्य याना च्वनादीगु जुल ।

वयकयागु थव पुण्य कार्यया प्रभावं वयकया मद्दुम्ह पिता भाजु त्तयात निर्वाण प्राप्त जुइमाल, वयक थःयात व सकल जहान परिवारया सदस्यपित दीर्घायु, आरोग्य प्राप्त जुइमाल, सुख समृद्धि व सफलता प्राप्त जुइमाल । थुजागु पुण्यकार्य हाकनं हाकनं याना वना च्वने फयेमाल धकाः नं मनं तुना जीवरत्न स्थापितया जहान नानी देवी स्थापित यात याकनं स्वास्थ्य लाभ जुइमाल । भाजु जीवरत्न स्थापितया ख्वीदें क्यंगु भद्र बँन्हिया लसताय् ताःआयु कामना यासे भित्तुना देछाना च्वना ।

भवतु सब्ब मंगलं ।

दानया महत्त्व

बुद्धरत्न बजाचार्य

सचिव : धर्मोदय सभा

श्व लोकय् मनुष्य जन्म जुइ, ल्याय्म्ह जुइ, ज्याथ जुइ, त्वगि जुइ । छन्हु सिना नं वनिइ । श्व प्रकृतिया नियम खः ।

यःपिं नापं बाया च्चनेगु नं दुःख । मयःपिं नाप ह्वना च्चनेगु नं दुःख । थःत यःगु मदइगु नं दुःख । सक्षेपं धाय्गु खःसा पञ्च उपादानस्कन्ध हे दुःख खः । श्व नाप नापं काम तृष्णा, भव तृष्णा, विभव तृष्णा श्व स्वतायात दुःख समुदय सत्य धकाः बुद्धं कना बिज्यागु खः । श्व यात निरोध यायेगु उपाय नं दु । आर्यअष्टाङ्गिक मार्ग निरोधया लैपु खः ।

दुःखं मुक्त जुइत मुख्यतः दानपारमितायात लुमंकेगु उचित जुयाच्चन । शाक्यमुनि बुद्धं दानयात प्राथमिकता बिया बिज्याःगु दु । भीगु बौद्ध समाजय् दान पारमितायात न्हापांगु थाय् बियातःगु खने दु । नेपाःगालय् हरेक बौद्ध परम्परा कथं पुजा आजाय् न्हापां छयलातःगु खँवःहे दान खः । दान खँवलं सम्बेदन जुइधुकिइ कि भीगु संस्कार धर्म कथंहे चाय्कं मचाय्कं दान लिसे भीगु दिनचर्या स्वानाच्चनि ।

श्रद्धा मदय्कं दान धैगु जुइमखु । शील मदय्कं भीगु ज्या शुद्ध जुइ मखु । श्व नं भीगु जीवनया किपालु थें लिसें लिसें वयांतु च्चनि । थःगु शील स्वभावयात बाँलाकेत हे खः बुद्ध पंचशील शिक्षा बिया बिज्याःगु । श्व नं छक्कः भीसं लुमंके माः । श्व न्याता प्रकारया शीलयात संसारया फुक्क मनुखं स्मरण याना शीलयात क्वातुक पालन यात धाःसा जगतया सकल प्राणीपिन्त भिंजुइ धकाः विश्वास यायेफु ।

सउखि, (मलमुत्र) लः त्याग याय्त भीपिं भतिचा हे उसि चाइमखु, तुगः नं स्याइ मखु, थाकु नं चाइमखु, म्ह हे याउँक हाकुतिना थें कष्ट भाःपिइ मखु । अथे हे तुं दान बिइबलय् नं शीलयात लुमंका, धैर्ययाना, वीर्यपराक्रम मत्तिइ तयाः एकचित्त मनं ध्यान याना प्रज्ञा यात मतजः लुमंकाः दान बियेगु, थुकिं मनय् मिला जः समान सिचुका बिइ ।

थुजाःगु दानं भीत राग, द्वेष, मोह क्लेश, क्रोध, लोभ आदि म्हो याय्गु खः । दुःख समुदय चिइका वनेगु लँ दान खः । उकिं दान खँव न्ह्याम्हसित नं यैच्चनि,

मयः धैरु दइमखु ।

दानं ददन्तु सद्गाय, सीलं रक्खन्तु सब्बदा ।

भावना भिरता होन्तु, गच्छन्तु देवता गता ॥

अर्थ : दान धयागु श्रद्धातयाः बिइमाः । शीलं भीत न्ह्याबलें आरक्षा याइ । भावनाय् प्रशन्न जुयाच्चवेगु, धर्म न्यनेत बिज्याना च्वपिं देवतापिं नं प्रशन्नपूर्वक ल्याहाँ बिज्याइ ।

दानं च धम्म चरिया च ज्ञातकानं च सइग हो ।

अन वज्जानि कम्मानि एतं मङ्गल मुत्तमं ॥

दान बियेगु धर्माचरण यायेगु, थःज्ञातीवन्धुपिन्त हनेगु (सम्मान) निर्दोषगु ज्या यायेगु न उत्तम मङ्गल खः ।

भगवान् बुद्धं मङ्गल सूत्रय् धया बिज्याःगु दु । उकिं नेपाःमित दान यायेगु धालकि दुने नुगलं निसें याइपिं नं दु पिने ब्वसा कथं जक दान याइपिं नं दु ।

भी करुणामय सेवा खलकय् च्वंम्ह छम्ह दुजः श्रद्धावानम्ह भाजु जीवरत्न स्थापित न्ह्याय्कं त्वाः थौंकन्ह्य् बागबजारें व वय् कःया तिरिमय्जु नानीदेवी स्थापितपिं चैत्य पुजा बाहाःपुजा आदिस न्ह्यज्यानादिपिं खः । चैत्य पुजा बाहाःपुजाय् नं ब्वतिकयाः दान बियादीगु वय्कःपिनि स्वाभाविक धर्म खः । तर श्रद्धा-दान उत्पन्न जुइत मन नं वनेमाः । मन मवंक छुं नं ज्या जुइ मखु । उकिं बुद्धं धम्मपदय् दकल्य् न्हापा हे मनया विषय धया बिज्यात-

“मनोपुब्बङ्गमा धम्मा-मनोसेट्ठा मनोमया ।

मनसा चे पसन्नेन-भासति वा करोति वा ।

ततो नं सुखमन्वेति, छाया व अनुपायनी ॥”

न्ह्यागु ज्याखँय् नं मन न्हापालाकं वनी, मन हे मुख्य (श्रेष्ठ) खः, भिंगु मनं गथे (थःम्हं) धया अथे हे ज्या याइम्हया ल्यू ल्यू न्ह्याबलें नापं ज्वीम्ह किपालु समान सुख ल्यू ल्यू वइ ।” थुकि यात हे मननयाना भी उपासक जीवरत्न स्थापितजुं छागू विशिष्ट दान बियेगु मनं क्वछय्गु जुइमाःथें ता ।

सौवर्णं रौप्यं विविधं धातुजं मृत्तयं वा

शान्त्योदनै सुपांरपूणं सुपिण्डपात्रम् ।

भक्त्या ददन्ति सततं जिनसाधिकेभ्यः

स्यात्तस्य पुरायमसमं फलमप्रमेयम् ॥

श्व गाथा गुलुपाः दान कायेबलय् ब्वनेगु खः । श्व गाथा लुमकुसे उपासक जीवरत्न स्थापितजुं थी थी बिहारय् उतिकं स्वय् ब्वय् यैपुसे च्वंक मेमेथाय् गन नं मदु कथ्या गुलुपाः थःगु हे विच्चाः मेहनत कथं दय्केबियाः दान याना दीगु तसकं च्वछाय्बहःजुगु

ताय्का । श्व वय्कःया चीधंगु व म्होश्रद्धाया दान मखु । थुजाःगु दान यायेगु श्रद्धा गनं वल भिंगु मनं, शान्त एकचित्त मनं वल । श्व अःपूगु लिसःजुल । शील, क्षान्ति, वीर्य, ध्यान तथा प्रज्ञाया बलजक थुजाःगु ज्याय् न्ह्यलुवाः जुइफै । सधमय् न्ह्यज्याय्न मनंतुना थें भिं जुइकेत श्रद्धा दान याःगु खने दत । वय्कःया तिरि मय्जु नानी देवी स्थापितया स्वास्थ्य बांलाय्मा धकाःमनंतुनाःश्व दान याःगु पुण्यं स्वास्थ्य सुथां लाय्मा धैगु अध्येशना खः ।

आः थन गुलुपाः दानया विषय छत्वाचा नुगःखें प्वकेगु बांलाइताया ।

नीगुदया उमेरय् सर्वार्थसिद्ध शाक्यराजकुमारं बुद्धत्व लाभ यायेत दरबार त्वःता जंगलय् बिज्यात । खर्दंतक दुष्कर चर्या यानाः शरीर दुबल जुइका च्वना बिज्याःबलय् सुजोता मय्जु श्रद्धातयाः बसपोलयात खीर (भोजन) दान यानादीगु ग्रहणा याना बिज्यागु खः । श्व हे भोजन दानया हुनिं वसपोलयात बोधिज्ञान अर्थात बुद्धत्व प्राप्त जुल । वसपोल सर्वज्ञ बुद्ध जुया बिज्याय धुंका न्हापां तपुस्स, व भल्लुक धइपिं वणेमि दाजुकिजापिं निम्हसिनं सत्त्व दान याःगु फया कयाबिज्याय्त देवपुत्रपिसं वसपोलयात शैलपात्र दान याःगु जुयाच्चन । बुद्धयात न्हापां दान याःगु श्व शैलपात्र (गुलुपाः) यात हे थौं भौंसि पिण्डपात्र, सुवर्णपात्र, वा गुलुपाः धयावयाच्चंगु खः । थुकथं गुलुपाः या उत्पत्ति प्रारम्भ जुलला धया थें थःत ताः ।

तपुस्स व भल्लुकपिसं भगवान् बुद्धयात सत्त्व दान यानाः थःपिं बुद्धया शरणा वरिं न्हापांयापिं उपासकपिं जूगुलिं थुमित द्वैवाचिक उपासक धाय्गु चलन जुल । दानया थुजाःगु सिलसिला स्वास्वां वयाच्चंगु इवल्य भाजु जीवरत्न स्थापित व वय्कःया तिरिमय्जु नानीदेवी स्थापितपिसं स्वफाति जाकि न्हयंगु (१४"X१४") बुद्ध जीवनी कलात्मक ढंगं कियातःगु गुलुपाः थासंथाय् विहारय् दान याना दीगु ज्यायात तसकं च्छछाय्वहःगु ताय्का । भौगु बौद्ध शासन कुलय् प्रचलित श्रद्धा-दान यात अज्भनं बृद्धि याना नेपाःया बौद्ध जगत हे नस्वाक भक्कः धाय्क श्रद्धाया स्वां पुसा हवलाः स्वां हवय्का श्रद्धा दान याना दीगु लिसे लिसें श्व हे पोहेलाश्व सप्तमी (२०५५ पुष १०) शुक्रवार थःगु बागवजारबज्जाचार्य गुरुपिं छेंय् बिज्याका अन बिज्यापिन्त म्हंछगः बुद्धया मूर्ति अंकित सिजःया चिच्चावःगु गुलुपाःम्हं छगः छगः नं दान विइगु मनं तुनादीगु दुगु जुया जीवनानी स्थापितया पिथना लुखां दकले न्हापाकसिइ "गुलुपाः" नाया छगु सफू पिथना दीत्यंगु नं तसकं च्छछाय्वहःगु ज्या ताय्का । थुगु पुण्यद्वारा वय्कःपिन्त भिंजुइमा । सुखं शान्ति प्राप्त जुइमा ! भवतु सब्व मंगलं ।

गुलुपाःदान

प्रा. सुवर्ण शाक्य

ओम्बाहाः, यें ।

दानमाहात्म्याया खँ ल्हायेबल्य् मनुखं थुकीया व्याख्या याये फैमखु । फ्वगियात ध्यबा छगः दान बीगुं निसैं कयाः थःगु म्ह, ला, हि, क्वय् व प्राणसमेत दान बीग खँ साधारण कल्पनाया खँ मखु । न्हयागु न्हयाकथं दान ब्यसां धाथेंयागु दान भ्रद्धादान खँः मेपिसं छु दान बिल, गुगु दान बिल धकाः च्युताः मतसे मेपिंगु उपकारया लागी थैम्हं थुकथं दान बी धकाः थःगु हे दुनेया भावनां बीगु दानयात धाथेंयागु दान धाड । थुजोकथया दानया भावना मनय् वयेकेत मनु पात्र नं उकथया है काम, क्रोध व ईर्ष्यायात पाछाइम्ह मज्वीमाः । लाभ, सत्कार व कीर्तिया लागी बीगु दानं सुफल प्राप्त ज्वीमखु उजोगुकथं फल प्राप्तिया आशां बीगु दानं कीर्तिया महत्वाकाक्षीया भावना ब्वलनाः मन अशान्त ज्वी । मन अशान्त ज्वीगु धैगु दुःख ज्वीगु खः । उकिं स्वीतं छु वस्तु बीवं बाय् लःल्हायेवं बांलाःगु दान ज्वीगुख ।

शुद्धमनं उपयुक्ततायात दुवाला स्वीतं गनं छु वस्तु लःल्हायेगु विशेष दान ज्वी । थुकिं सीदु कि यक्व दयेक लःल्हायेवं जक दान ज्वीगु नं मखु, मतिइ वःथे फुक ज्वीगु नं दान ज्वीगु मखु । लोभयात त्याग यायेगुया पूर्वरूप दान खः । दान बीम्हसिनं मेपिंगु बस्तुइ आसक्ति काइ मखु । धाथेंया दान याइम्हसिके खुयाकायेगु, हेकाकायेगु व करकापं कायेगु थें याःगु मनोवृत्ति दैमखु । थुज्वःगु हे खँयात कयाः भगवान् बुद्धं दानपामिरता विषयय् दुस्ययेक कनाबिज्याना तःगु धैगु धाथेंयापिं बौद्धजगतं सीकावैचवंगु दु ।

बौद्धजगतय् दान बीगु प्रथा दु । दान बीपिं नं यक्वं दु । थःथःगु तालं दान जुयाच्चवंगु दु । थथे हे बागवजारयाम्ह पासा जीवरत्न स्थापित छुम्ह थःगु हे तालं भावना ब्वलंकाः भ्रद्धा ब्वलंकाः छु दान ब्यसा न्वै, छिनी अले ज्याख्यलेदै धकाः उखें थुखें न्यज्वीगु यायां गुलुपाः दान यायेगु क्वःछिनाः मन शान्त याःम्ह जिवरत्न स्थापितं

भगवान् बुद्ध विज्याकातः थाय् भगवान् बुद्धयात श्रद्धा तथाः ज्या यानाच्चर्पितं गुलुपाः दान यायेगु क्वःछिनाः इलय् ब्यलय् पर्वय् गुलुपाः दान यायां वैच्चंगु जुल । वय्कःपाखें दान जूगु गुलुपातय् मंगलया चिं ध्वाना तःगु दुसा नेपालीकलायात प्रोत्साहित यानातःगु दु । याकनं मस्यनीकथं सिजःयागु (धातुयागु) दयेकातःगु अले भगवान्या प्रतिमाया न्हःने तथाः पूजाया इलय् छुं वस्तु तयेबलय् न्हयनीकथंया आकारय् ग्वः ज्यानातःगु दु ।

गुलुपाः लोभरहित जीवनय् प्राण हनेत मजिंमगाःकथंया वस्तु तथाः नयेगु शान्ति व सन्तोषया प्रतीक खः । गुलुपाःयात पिण्डपात्र नं धाइ । छगः ग्वारागु ग्वल्लाःगु पिण्ड थें च्वंगुलिं थुकीयात पिण्डपात्र धाःगु ज्वी धैगु व पिण्ड धकाः जा ग्वारा तथाः नयेगु ज्वीगुलिं नं पिण्डपात्र धाःगु धैगु खँ नं गुलुपाःया नांया विषयय् खँ न्यने दु । मनूतय् नसात्वंसाया थलबल थःथःगु तालं छिंक दयेका छ्यलेगु यानाच्चंगु दु । थये हे भगवान् बुद्ध छ्यालाविज्याःगु थलकथं गुलुपाः जुयाच्चंगु दु । उकिं भगवान्पिनि प्रति छुं वस्तु दोहोलपेबलय् गुलुपाः हे छ्यलीगु बौद्धपरंपरा जुयाच्चंगु दु । थये हे बुद्धशासनय् च्वनाः जीवन हनीपिं भिक्षुपरंपरायापिसं नं दान ग्रहण याइबलय् गुलुपातय् हे फयेगु यानावैच्चंगु दु ।

दान बीगुली थःगु भावना न्ह्याकांच्वम्ह जीवरत्न स्थापित ६० दँ क्यंगु भद्रबुन्हिया ज्वीगु वय्कःपाखेंया दान नं गुलुपाः हे जूगुली गुलुपाःयात कःधानाः थःत पूर्णरूपं बौद्धपनय् धालय् यायेगु वय्कःया आशय च्वछायेबहःजू । वय्कलं बरोबर धयादी कि गुलुपाः दानं बुद्धयात लुमनाः विश्वय् मानवकल्याण ज्वीमा । थुकथं सकसिगु कल्याण तातुनाः पुण्यानुमोदन याइम्ह वय्कःया आयु ताहायाः दानप्रदानया ज्या खँय् सदां मन थुलं च्वनेमा अले वय्कःया अतिंक सत्तीम थः (श्रीमती) या पुलि स्थानाः पुजाया ज्याखँय् तर्क वनेत थाकु थें जाःगु ल्वय् मदयेमा अले सकल परिवारयात नं कल्याण जुयाः गुलुपाःदानय् न्ह्यच्युच्यु वनेफयेमा धैगु आसिका याना ।

भाजु जीवरत्न स्थापितया म्हसीका

-शाठतरत्ता सावय

नायः ज्ञानमाला भजन खलः स्वयम्भू, ये ।

भाजु जीवरत्न स्थापित बुगु ने.सं. १०५९ दँ पोहेलाथव जन्माशः धलिन्वीगु अष्टमी छन्हु न्ह्यः कुन्हु खः । बा भाजुरत्न व मां हेरालाती स्थापितया न्हापांम्ह सन्तान जीवरत्न खः । वय्कःया ल्यु भाइराजा, त्रिरत्न, ज्योतिरत्न स्वचम्ह किजापि, ताराशोभा, मीराशोभा व नीलशोभा याना स्वम्ह क्यहँपि दु । वय्कःबुगु छँ, थाय्मरु त्वाः प्यंगःथां वलाछँ खः ।

आइ ए तगिमय् तक ब्वनाः भिंच्यादैया ल्याय्म्हगु वैशय् वय्कःया इहिपा महाबुत्वाःया साहु बुद्धमान ताम्राकारया म्हाय्मय्जु नानीदेवी ताम्राकार नाप जुल । वय्कःपिनि स्वम्ह काय्पिं सुरेन्द्ररत्न, चन्द्ररत्न, गौतमरत्न व याकः म्हाय् नीलम दु । तःधिकःम्ह काय् सुरेन्द्रया इहिपा मय्जु मिनर्वा नाप जुलसा मेपिनि चन्द्ररत्नया चन्दा स्थापित व गौतमरत्नया प्रमिला ताम्राकार नाप हालसालय् तिनि इहिपा ।जुल । शैलेन्द्र व सुदिस्ना निम्ह छय्पिं नाप याना थौकन्हय् वय्कःया छँजःपिं भिं छम्ह दु । छम्ह काय् अष्टेलियाय् आखः ब्वनाच्चंगु दु । मेपिं थन हे ज्या याना च्वना दीगु दु ।

भाजु जीवरत्नया कुलछँ आकाभाकां पाताः जुडक मिं नःगु जुयाच्चन । छँ मिंनःगु दयेका निदँति लिपा छँय् कचमच जुयालि छँ त्वःता पिने च्वंभाःगु जुयाच्चन । थुबलय् वय्कलं मेहेनत यानाः छँय् प्याहाँभाःगु भिंछला व नीन्हु दुकुन्हु भिंनिद्र दामं छँ छखा न्यायेगु क्वःछिना । लिपा वहे छँ साहुयात दितया छँ च्वनादिल । म्होचा इलय्हे जीवरत्नं छँ न्याना दंगु न्यनाः छँ अबु मापिं अजूचाया जीवरत्नं छँ न्जातका..... मखुला ? धकाः धाःगु जुयाच्चन । थौकन्हय् वय्कः बागबजारया छँय् च्वना दीगु दु ।

जीवरत्न छम्ह मेहेनती नाप क्वातगु अधिष्ठानया धनीम्ह मनू नं खः । वय्कः छँ त्वःता प्याहाँ भाया दीबलय् छागू क्वातगु अधिष्ठान यानादीगु जुयाच्चन - गुब्ले तक

थःगु छँ दइमलु उल्ले तक थः ससःलय् तक नं वनेमखु धकाः । धान्थे वय्कः ससःलय् नखत्या तक नं वना मदीगु जुयाचवन । थुजाःगु क्वातगु अधिष्ठानं यानाः वय्कलं थःगु जीवनय् याकनं ह्युपा हयादिइत सफल जुयादिल । ज्याखँय् थुजागु क्वातगु अधिष्ठान न्ह्याम्हसि नं यायेफुसा तसकै बाँलाइथे ताः । जीवनय् ह्युपाः ह्य् फइगु ताः ।

न्ह्याम्ह नं मनूया जीवनय् छगू मखु छगू बाँलागु बाँमलागु घटनां दुस्वःवया च्वनिगु जुयाचवन । मनूया जीवनय् अनेक क्षणतनं वय्वनिगु जुयाचवन । उकिं “प्याखँ हुले मसःम्ह मनूया दबू मायं वनी मखु” धकाः धायेगु चलन जुयाचवन ।

जीवरत्न छम्ह बाँलाक प्याखँपाः कायेसःम्ह जगुलिं वय्कलं थःगु जीवनयात याकनं सुयां लाकादिइफत । मस्तय्त नं बाँलागु थासय् वनाः आखः ब्वका दिल भिं-भिंभिं मनूतय् लिसे थःम्ह नं सत संगत यानाः वय्कलं बुद्ध धर्मया सेवा याये नं सय्का दिल । इलय् ब्यलय् बौद्ध तीर्थ यात्रा, करुणामय् पुजा, चैत्य पुजा, बाहावही पुजाय् नं थःत स्वाका दिइगु जुया च्वन । भन्ते गुरुभापिंगु प्रवचन, उपदेश न्यना दी ये थःत घटलगेजगु खँत गुल्ले गुल्ले टिपोत धायेगु नं दय्कःया वानी गू जुयाचवन । उपिं टिपोतत मध्ये छुं यत न्हयथनाच्वना -

“भिंगु लँ ज्वनेत यःपिं त्याग यानालि ल्वीकेफइ । मेपिसं धाःसां थःगु लँ थःम्ह तुं काय्फयेकेमाः । कर्पिन्त धाय् न्हयः (दोष) थःगु ख्वाः थम्हं स्वय्सयेकेमाः । कर्पिन्त दाष बी दय्व थः लय्ताः । तर थःत दोष बिइगु ज्या (थःत) अवश्य मयः । गुम्हस्यां भिंगु ज्या यात धकाः सीकं चाय्कं नं वं याःगु ज्या खिजेयाये दत कि थः लय् ताय्गु मनूतय् स्वभाव !?

भिंगु खँ जूसा न्यना कायेगु । मभिंगु खँ जूसा वांछचय्गु । खःगु ज्याखँय् जाय्गु । मखुगु ज्याखँय् बाय्गु । थःम्हं मज्जगु यानागु चाइमखु । अजागु खँ धयागु वा यानागु सुनानं कयनाबिल धाःसा अवश्य नं सुधार यायेमाः ।”

शाक्यमुनि बुद्धं मनूतय्त मनू जुयाः स्वाय्त आपालं कुतः याना धर्म शिक्षा उपदेश बिया बिज्यात । संस्कार बलाःपिं व क्वातुपिसं वस्पोलया शिक्षा उपदेश धर्म बाँलाक नालाः पालन याना जीवन भिंकल । मदुपिसं भिंके मफुत । वस्पोलं मनूतय्त “अत्तदीपो भव” थःगु जः थःहे जू धकाः धया बिज्यात । गुलिं गुलिसिनं जक श्व शिक्षा नाले फत । अप्वः मनूत छःव आत्माय् तकयना भूलय् जुयाः वस्पोल बुद्धया शिक्षां तापाना च्वन । श्व दुःखया खँ खः । नेपाःया बौद्धतसं धाथे मचाः ।

जीवरत्न उपासकं बुद्धया शिक्षा उपदेश थःगु जीवनय् छ्यलेत गाक्कं कुतः


याःसां भतीगु सामाजिकतां यांनाः बुद्ध शिक्षा पाखें गुळें गुळें चवद्यला वंसां बुद्ध शासनयात तिवः जुड कथया ज्याखें वय्कः पाखें बरोबर जुयाचवंगु दु । भन्ते गुरुमां पिन्थाय् वनाः दान प्रदान यायेगु, थःथाय् भोजन सःत्यगु, गरिब नकेगु आदि ज्याखें वय्कःया पाखें बरोबर जुयाचव ।

थः अबु बाज्यापिसं थःथःपिंगु गच्छे कथं इलय् व्यलय् थासंथाय् कीर्तित तया भ्नाःगु सीका थःम्हं न वय्कःपिंगु ज्याखें पाखें हःपाः कयाः वय्कलं नेपालय् बुद्ध शासन चिरस्थाइ जुडमा धैगु मतिइ तयाः ज्ञानमाला भजन स्वयम्भू, धर्मकीर्ति विहार, गौतमी भिक्षुणी विहार, लुम्बिनी सिजःया १४"X१४" डाइमिटरया स्वफाति जाकि न्हयंगु कलात्मक बुद्ध जीवनी बुत्ता किया तःगु गुलुपाः (पिण्डपत्त) दानयानादीगु दु । थ्व क्रमः न्ह्याका आः वय्कःया ख्वीदें कयंगु "भद्रबुन्हि" या उपलक्षय्य विश्व शान्ति विहार, न्हू वानेश्वर, नगरमण्डप श्री कीर्ति विहार, किपू व श्रीघः बुद्ध विहारय् नं गुलुपाः दान यांना दी त्यंगु दु । थुजाःगु गुलुपाः गुकिड बुद्धया जीवनी लू किया तःगु मेमेथाय् गन नं मद्गु दुर्लभगु गुलुपाः दान यांनाः वय्कलं नेपालय् बुद्ध शासन चिरस्थाइ जुडगु ज्याय् तसकं रयसुलाःगु बांलाःगु ज्या यांना दिईगु दु ।

थ्व हे पूर्णीत ज्याया नाप नापं वय्कलं "गुलुपाः" नामं गुलुपाः दानया महत्व व गुलुपाः दान बारे च्वसुत च्चकाः छगू सफू नं पिथनेगु खसः खया दिल । थ्व तसकं बांलागु ज्या खः । थुजाःगु ज्या हानं हानं यांनादी फय्मा धका मनतुसैं वय्कःया बःचाहाकःगु म्हसीका थन हे क्वचाय्का च्वना । सकलयात मंगल ज्वीमा !

जीवरत्न स्थापित प्रवज्या
संवर कथं लुम्बिनी प्रवजीत
जुयादीबलय्मा किपा ।





विश्व शान्ति विहार न्ह्वानेश्वर
भिक्षुपिं ध्यान याना च्वना विज्यागु



जीवरत्न स्थापितया सपरिवार जःपिं